

SHALOMU

鳩 Kuswaangana, muswaangano wangu wa mwaka mupya mukuba buyo uya butalika. Oyu mulimo wangu wini mutaanzi wanguzu kuzwida mwaka mupya. Oh, Nda kajisi masiku masyoonto ku muunzi, mpawo kali kumusanza ku Fort Huachuca okuya. Sena mbombubo mbo munga mwa lyaamba lino? Nse konzyi kubona obo mbo musipela Huachuca ijisi H. [Kabeela katakweintu aa teepu—Mul.]

² Ta tu, ta tukabi a makani aa ciboniboni citondezya zili musule. Ii ciboniboni citondezya zili musule cilanga buyo kusule a kubona oko nko kabede. Tu langa kumbele kubona oko nko tuyu, mwabona. Eco ncicili muciindi cakainda, Paulo wakati, “Kuluba zintu ezyo zya kainda, Ndi bindaanina ku mbaakani ya lwiito lwaatala muli Kristo.” Elyo nce ncico nco tu yanda kuyo cita. Ii muntu, tu la konzya kulanga musule myaka ili kkumi ayosanwe, kkumi acisambomwe yakainda, cindi Ne kaboola ku Phoenix ciindi citaanzni, kwakali zintu zinji zyaka citika kuzwida leelyo, zibotu a zibi, ezyo zyoonsse zyuunka ku Lubeta, mu maanza aa Leza. Pele eco Nce langila kumbele lino nkuti ncinzni Nceyo cita mu mwaka oyu uboola, ku bubotu bwa Bwami, kucita kunji, koonse Nkwe konzya kucitila Bwami bwa Leza.

³ Lino, masikati aya Ndi yanda kukanana Mulumbe oyu wa mwaka mupya ku Mbungano muli Kristo, elyo mpawo junza masiku tuyo talika ku kombela balwazi. Elyo tuyo vozya makkaadi aa mipailo akati... Ndi yeeya kuti kuswaangana kuyo talika a seveni, seveni theeti, ncibotu waba kokuno kutandila sikisi na kwainda kkota atala, mpawo, amujane makkaadi anu aa mipailo, kutegwa muta kanyonganyi zimwi zya kuswaangana.

⁴ Tu yanda ku lumba i—i bweendelezi okuno, bwa Ramada, ku tulekela kuba a buyake obu ku muswaangano oyu, ka kutanaba muswaangano oyu wabaiminizi. I Mwami aba longezye.

⁵ Elyo lino ikuti na muyanda kujula mu Magwalo, oko nko tuyo bala, Ndiyo bala kuzwa muli Isaya, cipati 60, alimwi i—i ka2, kampango 1 a 2. Elyo Ntembauzyo 62:1-8. Ntembauzyo 62:1-8, lutaanzi.

Mubwini buntu bwangu bulindila kuli Leza: lufutuko lwangu luzwa kuli nguwe.

Walo alikke mwaala wangu a lufutuko lwangu; ngo bukwabilizi bwangu; Nse kasunzulusigwi canguzu.

Nciindi cilamfu buti ncomu yoezeezya bubi kujatikizya muntu? moyo jaigwa nyoonse lwanu: mbuli bulambo

buyanda kuwa mbo myoooba, alimwi mbuli lubaya lutajisi.

Ba buzyabuzya buyo ku wisizya ansi, ku mu usizya ansi kuzwa ku bubotu bwakwe: bala botelwa mu bubeji: bala longezya a milomo yabo, pele mukati bala singanya. Sela.

Obuntu bwangu, ko lindila biyo kuli Leza; nkambo bulangizi bwangu buzwa kuli nguwe.

Walo alikke mwaala wangu a lufutuko lwangu: ngo bukwabilizi bwangu; Nse sunzulusigwi canguzu.

Muli Leza muuli lufutuko lwangu a bulemu bwangu: mwaala wa nsana zyangu, . . . mayubilo aangu, ali muli Leza.

Amusyome muli nguwe ciindi coonse; nywebo no bantu, amutile moyo wanu kumbele lyakwe: Leza ngo mayubilo esu. Sela.

⁶ Nda yandisya nzila Davida mbwa cikanana, “ii mwaala.” Mula bona, ziindi zinji loko, “Leza mwaala wangu.” Sa mulizi mwaala nco waamba, mu Bbaibbele? *Mwaala calo “nciyubunuzyo.”*

⁷ Mbuli Petro mbwa kaamba, “Nduwe Kristo, Mwana wa Leza muumi.”

⁸ Wa kati, “Ula coolwe, Simooni, mwana wa Jonasi. Elyo atala a mwaala oyu, eci ciyubunuzyo . . .” Leza waka ciyubununa kuli nguwe. “Muntu uulya maila taku yubunwida ceeci, pele Taata Wangu oyo uli ku Julu. Atala a mwaala oyu, ciyubunuzyo eci, Mppeyo yakila Mbungano Yangu.”

⁹ Elyo Davida awa kaompolola, “Leza ngo mwaala wangu, nciyubunuzyo cangu!”

¹⁰ Lino mu cipati 60 ca Isaya, kampango 1 aka 2.

Buka, umweke; nkambo mumuni wako wasika, a bulemu bwa MWAMI bwabuka ali nduwe.

Nkambo, bona, . . . mudima uyo vumba nyika, a mudima usiyambi ku bantu: pele MWAMI uyo buka atala lyanu, a bulemu bwakwe buyo bonwa ali ndinywe.

¹¹ Atu kombe. Mwami Jesu, mbuli kuyeyela a Majwi aya, twa njila lino mu kutilika kuswaangana oku, ku lulemeko Lwako. Tu longezye, Taata, twa lomba mu Zina lya Jesu. Ameni.

¹² Lino, ciiyo cangu masikati aya ndi bbala lyomwe: *Shalomu.* Mu ci Hebrayo, lyaamba “luumuno.” Luumuno, na kujuzya, nkuti ii “luumuno lube kuli ndinywe,” na, “watambulwa,” “wabuka kabotu,” kufumbwa musyobo wa ii–ii kujuzya. Pele bbala pati Ndye kajana mu ci Hebrayo awa, kuli zintu zinji nco lyaamba, pele zyonse zijatikizya ku cintu comwe, “luumuno.”

¹³ Mbuli mbo tu langanya oyu wa mwaka mupya, tu langanya kobilo, mbuli Mbwe bala, mudima a Mumuni. Lino tu bona kuti Davida, kakanana awa, wakati, "Amusyome mu Mwami. Amubikke kaanzambwene kanu muli Nguwe." Isaya wakati, "Mudima usiyambi ulaboola atala lya bantu aba; pele ku Mbungano kuti ibuke a kumweka, mu bulemu bwa Mumuni."

¹⁴ Aboobo tu langanya mwaka oyu mbuli mbo tu cita myaka yoonse; kuli ii—ii kutyompwa kwa bulubizi bwesu muli wakainda, a ku langa kumbele kuciindi ciza kwa Mumuni wa bulemu iwa Kristo. Kunyina kuzumbauzya, ikuti na twa pona kwinda mu mwaka oyu, tuyo jana bulubizi bunji obo mbo twa kapanga, elyo tu langila buyo oyo nkaambo ulaunka antoomwe bubotu a busendami. Oyo mulao uzizilwe ngo tu ponena awa mu buumi obu. Pele tuli kkomene kapati kuti tuli jisi Sikutwiiminina Oyo ukkede ku janza lyalulyo lwa Leza, kubamba kukombelezezya. Cindi twa libambilia kuzumina bulubizi bwesu obo mbo twa kalubizya, mpawo Ula bujatila. Walo uzwide luzyalo a luse, lwa kutujatila ku bulubizi obo.

¹⁵ Oyu mudima usiyambi, Ndi yanda kukanana ali nguwo lutaanzi, kuti kuli kunji loko kwa nguwo mu inyika sunu, akuya busiyaloko a kusiyaloko ciindi coonse. Mwaka aumwi, tula jana obo, kuti i—i inyika iya busiyaloko, kukanana kwa kumuuya, nkaambo bayo bugugulika mu mudima. Kuli cibi cinji. Kwiinda buyo muli ceeco nco tu jisi, kujaigwa kwa Muleli wacisi, azimwi zimbi, a bantu kabajaigwa moonya muno mu cisi cesu. Awo, mpo twa takali kuyeyya kuti kuyo citika mu ciindi ca lusumpuko lwasunu, pele masimpe tuli kujisi, nkaambo mudima usiyambi uli atala lya bantu. Lino, abo bataka cebukili ku Mumuni, mpawo kuli cintu comwe biyo Nce konzya kwaamba ku mwaka uboola, uno yaansi kusiya maningi a kusiya maningi mbuli mwaka mbo uyabuya.

¹⁶ Pele kuli baabo bayo cebuka, kuli wa mwaka mupya oyu, ku Mumuni, mpawo moyo mwekesya aku mwekesya, mane ku Buzuba obo bulondokede mbo tu langila, kulibonya Kwakwe, oko mudima oonse nko uyo yabaala—yabaala cakumanininina. Elyo kaambo ka ceeco, nkaambo Nce wamba, ku Mbungano ya Leza muumi, sunu, "Shalomu," nkaambo tuli Mimuni Yakwe. Jesu wakati, "Muli Mumuni wa inyika."

¹⁷ Lino, musinsimi wakati, "Mudima usiyambi atala lya bantu aba; atala lya bantu ba inyika, mudima usiyambi."

¹⁸ Sena mwa kabona, mu myaka misyoonto yainda, bamwi banu baalumi a banakazi ba musela wangu, obo kuti mwaka aumwi, kuboneka kuti mudima uya bwiindila maningi? Nda kali kukanana buzuba bumwi, elyo Nda kati ku mukaintu wangu, "Yebo ulizi, ciboneka mbuli kuti, mbuli myaka mbo iyabuya, alimwi mbuli mbo ciboneka buyo kuti bantu batalika kuya

busakana a kusakana kuzwa ku cintu cini eco nco beeledge kuya kuswena a kuswena munsi loko.”

¹⁹ Nda kabona, akati ka bantu. Amulange mu tugwagwa, alimwi kapati akati ka banakazi, amulangilile kuyandisya kwabo a zeezyo nzo bayanda kucita, alimwi bala—bala cinca micito ciindi coonse. Baalumi ba yabuba loko mbuli banakazi, a banakazi ba yabuba loko mbuli bamaalumi, alimwi kuboneka kuti taakwe nzila ya ku cilesya. Nda landuka cisi, kukambauka kulwana cintu, nkabela kujokela mwaka utobela elyo cilaindila kubija kwiinda mbo cakabede cindi Ne katalika. Nku, balo bantu ba yanda kucita ciluleme, pele, bala, kuli cintucimwi kujatikizya ncico eco citakaba lekeli kucita ciluleme. Cilaba dyaaaminina, kuba sungilizya. Cili—cili mbuli sikunku, munji usiya atala lya nyika yoonse. Kutali buyo mu Phoenix, pele inyika yoonse, kuboneka kuba buyo kulundikwa kwa mudima oyo ubungana, kauya bulema a kulema loko, ciindi coonse, kufubya buyo ciimo cini camwaalumi mupati, a ciimo cini camwanakazi mupati. Nda ambawida mubuntu.

²⁰ Elyo, ba, kuboneka mbuli kuti i...kuya kuboola kunji a kunji mu mambungano. Elyo mpawo cindi wabuka a kwaamba cintucimwi kulwana ncico, mpawo bakupa mulandu wa kucicita. Mwabona, mula—mula konzya kuubona kauboola, elyo—elyo mpawo cindi wa kanana kulwana nguwo, muntuumwi ta cimvwisyi. Ziindizimwi banakazi ta bacimvwisyi, baalumi ta bacimvwisyi, kubweza kulanganya kulubide.

²¹ Bantu ciindicimwi, bantu babotu, kacita kuzwidilila ku zintu zili boobo kutegwa bajatilile nguzu zyabo mu zyuuno zya bukombi ezyo moba zulilwa, nkaambo, ikuti na taba citi, bala tandwa, elyo mpawo balaba—balaba balikke. Elyo mpawo kuba akutandwa lomwe kuzwa ku bantu bamwi, mpawo neiyumu kunjilana a muntu umwi umbi, nkambo ciindicimwi bakalizi kuti wakali kuzulilwa ku nkamu eyi imwi, mpawo, “Ncinzi caka citika awa?” Mpawo weeledge kwiiminina kulamwa kwako, na kuzumanana kuba olikke, na kukaka kulamwa kwako. Aboobo cicibamba kuyuma loko ku bantu.

²² Elyo ciboneka kuti ciindi caba, to konzyi kubona kulibonya kwini, mbuli baalumi mbo beeledge kuba. Ndi...Nekuba kucijosya, kuzwa kumuuya, lino kubuntu, Ndi...Cilaboneka kuli ndime kuti baalumi abo kabasama mabbusu apinki akapangwa ku mulembo wabutonge a misyobo yoonse mbuli boobo, ciboneka buyo kuti baba mbuli banakazi loko. Elyo banakazi kufweba zipusa zyamakwaya aatombwe, lino bajisi misanga, elyo balo buyo...a kugela masusu aabo mbuli baalumi; alimwi ciboneka mbuli kuti i—i bwuebesi buubauba, mulindu, cintucimwi cabanakazi cakamana. Elyo mwaalumi wini wabulombwana taciko pe; koonse nkwboneka nkuyeyea kujatikizya cintucimwi cibyaabi, ku lubazu lumbi.

²³ Ndi yeeya kuti kutandila buyo mbo kwa kabede ku matalikilo, “mizeeo yoonse mu moyo wa muntu yaka zumanana kubija.” Ma—ma mabambe esu, cipekupeku a—a redio, ta bambululwi. Muntu ulakonzya kwaamba kufumbwa cintu, kutandila, nco bayanda kwaamba, nekuba kukonkezya a kudana kwa tombe, kwankwela oko—oko kwalo biya citeelede kuba, cata keelede, ta ceelede kwaambwa mu mabbiyaholo. Nekubaboobo bala konzya kucaamba mu cipekupeku aa redio, a kucitumina moonya mu maanda aa bantu. Kuboneka mbuli kuti mudima usiyambi wavumba cintu conse. I inyika yoonse ilibonya kusofwaazigwa.

²⁴ Lino, kwa myaka, Ndali kusola kubamba ceelesyo, Ijwi ly a Leza. Elyo Ndili kanzide loko oyu mwaka uboola kubamba ceelesyo eco kwiinda Mbwe kasola kuba mu buumi bwangu, mwabona, a kwimikila ncobeni nji antoomwe a Ijwi eelyo. Lino, Ndi syoma kuti kufumbwa bamwi abo banjila mu mizeeo yakwe kuti Ndi cita ceeco kulilemeka cabusongo, mpawo, mukwesu, mucizi, uli lubide ncobeni. Ndi cita boobo nkaambo Ndi jisi bulizi kuli Leelyo. Ndi, Ndi jisi bulizi bwa kukkanala a Ijwi eelyo. Kufumbwa nco Lya amba, tabikki bupanduluzi bwakumbali, ko Lya amba buyo munzila eyo. Lino kuli bamwi abo banga ba Li pandulula aku Li bamba kumvwika bwaandeeene aniini, pele Nse konzyi kucita booboo. I mwaambo ulikke Ngwe zyi ngwa ceeco cilembedwe Awa, mu nzila buyo kuti Eyi nje nzila.

²⁵ Lino, misyoonto, kutandila myaka yotatwe ya kainda, kuyo oba lino, kuti, ku muunzi, ku mbungano yangu yaku muunzi, Muuya Uusalala wakananana kuli ndime, kati, “Koya ku Tucson, kuli cintucimwi cilindila.” Nda kaima a cibumbili eci a kwambila umwi aumwi wanu, “MBUBOOBU MBWAAMBA I MWAMI, cintucimwi cilaafwi ku citika.” Ambweni kuli bantu bali myaanda bakkedé awa abo bacizi. Nda ka mwaambila buyo Nce kabona. I Mulumbe ula teepu, *Ino Nciindi Nzi, Munene?* Nda kabona cikama ca Baangelo, mbuli ii—ii piramidi, ka ciselemuka buyo ku nyiika kwa Tucson; mujulu munzila *eyi*, ku nyiika kwa Tucson. Elyo Ba kakanana kuli ndime cintucimwi, elyo Nse kazi mbo cakabede. Elyo buzuba bumwi okuya... Kuli muntu uliko ukkede ono, bobilo babo, abo bakali a ndime, kaindi okuya nica kacitika.

²⁶ Elyo baka bweza cifoto ca Ncico mu mulengalenga. Ca kazwa mu—mu magazini. Ndali kuyeyya kuti Nda jisi kkopi. Ndi jisi. Nce ncico. Mwa cibona awa mu *Life* magazini, kkopi eyi, mbubonya buyo Muuya Uusalala mbo wa ka caamba kuti ciyooba.

²⁷ Elyo mpaawo kwa kaimvwi Baangelo abo bali ciloba mbuli buyo cabuntu mbo mu ndibona nkeimvwi awa, a ku ndaambila kujokela ku muunzi wangu, kuti, makani aasisidwe ayo basilubambululo muciindi cakatobela mu makkalo ngi bakakakilwa kubweza, makani aasisidwe aa Bbaibbele, ayo

Zinamatizyo zili Ciloba nga ka jisi, inga ayo yubununwa. Nda zundikizya kufumbwa muntu, kobweza ezyo *Zinamatizyo Zili Ciloba* a kuzi langalanga, a kujana kampenda muli nzizyo. Mwabona? Mwabona? Nkaambo apedwe kwiinda ku bunanike bwa Leza.

²⁸ Kakutanaba booboo, Nda kakambauka aa *I Makkalo Aa Mbungano Ali Ciloba*, elyo mpawo kwaadulowa aa bbulakiboodi mu cikombelo cangu.

²⁹ Njiisyo yangu, Nse kambauki njiisyo kumasena okuno, taakwe cintu pele ziyandisi zipati zya buvangeli; nkaambo Ndili antoomwe a bakwesu, inga ba impana a ndime, alimwi Nse pi Eco ku bantu okuno. Ndi sola buyo kukkala awo ziyandisi zini zya Lugwalo, mbuli zeezyo nzo tu syoma. Pele, ku cikombelo cangu, bala Uteping'a. Ikuti na mula Uyanda, inga mwaba Anguwo. Ikuti na mweembeli wanu tayandi kuti mube Anguwo, muta ka Ubwezi. Mwabona, eco cili kuli ndinywe.

³⁰ Pele mukati omuya, kukambauka aa *I Makkalo Aa Mbungano Ali Ciloba*, a kuba akusalazigwa kuzwa kuli Leza; kwaaduloing'a, ku nzila mudima mbo uboola mu mbungano, Nicaea; a baangelo ba mbungano, batumwa. Inga akeelede kululama, nkambo, Mbwe kaduloing'ila ku bukkalo bwa mbungano bwamamanino, Munondo cifumo, a leveni okuloko, oyo Mumuni mupati wa kaselukila mu buyake, kumbele lya bantu batandila kuvula mbuli bakkede awa; kaseluka a kulimwetusya Wini ku lubazu lwa bwaanda, kumbele lya bantu abo boonse, a kudulowa ayo Makkalo aa Mbungano mbubonya buyo mu nzila Mbwe ekaadulowa awo. Lino, kuli bali myaanda a mwaanda wa bakamboni kutondezya ceeco. Buyo . . .

³¹ Ee, lino, tula mvwisya kuti Leza lyoonse ulatondezya zintu ku julu Ka tana zitondezya aa nyika. Mboli bantu basongo mbo ba katobela nyenyezei, azimwi zimbi. Ii citondezyo cakujulu cilacitika, lutaanzi, mpawo caanyika cisimpikizya citondezyo cakujulu. Leza ulakutauka, ubelekela mu zitondezyo, zitondezyo a zigambyo. Zyeede kutobela basyomi koonse. I ba Juda lyoonse ba kalangaula citondezyo, nkaambo bakali basale ba Leza, elyo ba kalangaula citondezyo. "Ko tutondezya citondezyo, mpawo tula syoma." Elyo, mpawo, cindi bantu basongo niba kaboola a kaano kabo, ba Meijai, ka kuzyalwa kwa Kristo, nkoonya ku mwaka mupya.

³² Lino tu jana kuti mweezi, mu Bbaibbele, wiiminina mbungano. Ula tondezya mumuni aa nyika, zuba nolitako. Ci'yubunuzyo, cipati 12, cila cipandulula ncobeni eco, "mwanakazi ujisi mweezi kunsi lya matende aakwe, zuba ku mutwe wakwe." Elyo obo zuba noli tako, cindi zuba lyaunka ku lubazu lumbi, mweezi ulatondezya zuba ku nyika. I mbungano yeedele kutondezya Jesu Kristo ku inyika, cindi Mwana wa Leza

natako. Toonse tula syoma obo. Ncintu ceenzu, mbuli kunji mbo kwakaindene.

³³ Pele kukanana awa, mu 1933, kwa popu kazwa kubusena bwakwe, na ikuzwa, mubwini, mu Rome, a kubamba kuswaya ku i—i masih aasalala. Uyo boola okuno akwalo. Elyo cintu ceenzu, ncakuti, masiku masyoonto katana zwa ku Rome, ku ciindi citaanzi nicakasola kuba mu makani aakale, mweezi wakaseluka a kunjila mukubola kumaninide. Eco buyo, ino cakali cinzi? Kusinkila Mumuni wa katondezegwa wa Mwana. Muli ceecei, wa kakanana kuli taata wa Orthodoxos; elyo boonse bali mu lumvwano, “I popu ulacita eci ku luswaanano, luswaanano lubotu lwa busimukobonyina.” Eco cilimvwisya, ku kutwi kwabuntu, cintu cibotu loko cinga cacitika. Pele ku kutwi kwa kumuuya, walo mudima. Elyo obo to mambungano, toba Presbyteria, Methodisti, Baptisti, aba Pentekoste, twa konzya kusola kusangana mu lupyopyongano mbuli olo, elyo mukuziba Bbaibbele lyesu kuti litu yiisya bumbi! Ncintu cibotelezya kuli ndime, cakuti obo bantu bazwide Muuya mbo bakonzya kukkala mu masena a kwaamba, “Ci mvwika kuba camuuya kuba mu busena mbuli boobo.” Kuli ndime, nci sesemyo.

³⁴ Lino, Nda yeeyela mwaka cijana okuno mu Phoenix. Ikuti na uli oonse... Mbangaye omuno ba kasola kubona awo Mpe kadulowa zifwanikiso zya Makkalo aa Mbungano? Amu tambike maanza anu. Nda yeeyela... Mwakabona obo Mwami mbwa kazidulowa mu milengalenga, busiku bumwi? Mbubonya buyo nzila mbo caka dulowa kutala okuya ku cikombelo. Cakulondoka, mbubonya nzila eyo Muuya Uusalala mbo waka cipa kwiinda ku bunanike, myaka yotatwe yakainda, ku cikombelo, nceeco caka citika mu milengalenga. “Mu mulomo wa bakamponi bobilo na botatwe, akube kuti ijwi lyoonse liimikile.” I Muuya Uusalala kusaanguna wa keenda ku bunanike; Nda kaadulowa aa cibumbili. Mpawo Wa kaseluka Lwakwe a kubamba kusimpikizya Kwakwe kwa nkuko, mbuli mweezi a Mumuni kazi zimaana, kazi zimaana, a ku Bukkalo obu bwa Laodikeya kabunjila mu mudima umaminide alubo. Elyo mpaawa Wa kaseluka aku cisimpikizya aa mweezi, kuciindi ncoonya mambungano oonse naenda antoomwe mu kukamantana, kwa nsangano ya mambungano.

³⁵ Ta cigambyi, mbuli Isaya mbwa kati, “Mudima usiyambi ula atala lya nyika, atala lya bantu aba.”

³⁶ Ndi lizi ta cibotelezyi kukanana kulwana kabunga, pele eco ncaando ca munyama. Nce cintu citutola moonya muli nkuko. Nku panga cinkozya ku cinyama. Nsya ambi ceeceo ku kunyema pe. Nda amba ceeceo nkaambo bwalo Mbwini, bakwesi. I buzuba bula boola cindi Phoenix niiyo obuka, alimwi ambweni Ndi nofwide, pele muyo ziba kuti eco cakali MBUBOOBU MBWAAMBA I MWAMI. Nca bwini. Elyo obo Muuya Uusalala mulemu mbo wakasimpikizya Milumbe eyo a kwaamba zintu

ziciza, taakwe kukakilwa ciindi comwe! Elyo nkaambonzi nco tu gugulika mu mudima? Nkaambonzi bantu taba sinsimuki ciindi nicitana mana? Bumwi bwa mazuba aya, ciindi cinomanide, kakuli mwakabweza kale caando, elyo mpawo kunyina... Takucikwe cintu cimbi nco konzya kucita kujatikizya nkuko mpawo, muyo jatwa mu ciyanza eco, kuti mwa kaandwa a ciyanza eco.

³⁷ Nkaambonzi tamu booli kuli Kristo, kuzuzigwa Mumuni wa Makanimabotu aa Jesu Kristo, Nguzu Zyakwe zyabubuke ezyo zikonzya kumwaangulula,aku mubamba kuba nkandela eyo isimpikidwe aatala lya cilundu? Takukwe makani mbo kuya busiya. Amwaambe, “Ee, nkaambonzi nco tweeede kucicita? I bamwi babo...” Amuswiilile, ndyoonya lino nce ciindi cakwiilekela kumweka, cindi nousiya loko. Nce cindi Mumuni noumwekesya kabotu, ndeelyo Nouli mu mudima. Tweede kulekela Mumuni kumweka lyoonse awo aasiya.

³⁸ Musinsimi kaamba, “Mudima usiyambi uyooba atala lya bantu aba,” nkabela Mbwini ncobeni.

³⁹ Lino twa kaziba cakabamba mweezi kutondezya mumuni. Leza katondezya, lutaanzi, aa bbulakibboodi; cakatobela, kwiinda ku Busyu Bwakwe Mwini; mpawo mu majulu Wa katondezya citondezyo. Elyo mpawo kuzwa ku Rome kwakazwa popu, kuya mu Palestine; eco, kuli liso lya lyoonse, bantu bakakwiila a kuwida ku masyu abo, a kukomba muntu. Kuta cimulwana limbi ta caambi kuti inga Nda aba mukutausi oyo unga wabeleka a cintu cili boobo. Kwalo koonse muuya omwe.

⁴⁰ Ku boneka kuti mudima usiyambi wakkalikila atala lya bantu kusikila bayeeya kuti cintu biyo ciliko ca kucita nkwiinku ku cikombelo a kuba muntu mubotu loko, kubikka zina lyako mu bbuku, a cintu cimwi ciniini camaseseke, “Leza uyo nyona cijuzyo cindi wa akufwa, a kucinca muuya oyo muli nduwe, kuli Nguwe.” Uli lubide. Cindi wafwa, oyo muuya ulaali nduwe, eyo nje nzila mbo nobede lyoonse. Elyo amuyeyye, ba Farisi, ba Saduki, abamwi bambi, bakali bantu bakombi maningi.

⁴¹ Leza ngu Leza sibuzuba. Ngu sibuzuba, alimwi Uyanda mukaintu Wakwe kuti kanjoloma. Umu yanda kuba nakalindu, usalala. Taakwe cintu canyika muli nguwe, nociceya; Ijwi Lyakwe kumaninina, cibeela Cakwe. Twe elede kuba cibeela ca Ijwi. Kutali cibeela ca kayanza kabuzumini; cibeela ca Ijwi! Kutali cibeela ca mbungano; cibeela ca Nabwiinga! Mbungano yapegwa mulandu, tu lizi kuti iinka mu mudima waanze, pele Nabwiinga uunka kujulu.

⁴² Lino ikuti na bantu nobakonzya biyo kusinsimuka kwa ciindi cisyoonto a kumvwisya obo cintu mbo cili cipati. Nkulisumpula kucita boobo. Balo bantu abo—abo bayanda kweenda mbuli bamwi ba inyika. Tamu konzyi kucita boobo. Ta muli be inyika. Sa muyeyya kuti mwanakazi ulede mu

kkofini lyakwe inga wayanda kuziba kuti na masusu aakwe asanzigwa, na kufumbwa mbo tuyanda ku ciita? Muyeyea kuti inga wabikkila maanu obo mbwasamide ikuti na walilede mu kkofini, na mwaalumi umwi? Inga tiiba cicita.

⁴³ Elyo nke kaambo, sunu, kuli zintu zinji loko nzyo tweede ku kkopela kuli basimukoboma, na simisobano wamu Hollywood, na busyaasunu bumwi, na cintucimwi mbuli ceeco, nku ukaambo kakuti tatumafwa kuli Kristo aku Ijwi Lyakwe. Ndipenzi nzi ku mambungano? Tuli mu mudima, kugugulika mu mudima. Kati, “Kuyooba mudima usiyambi atala lya bantu.” Ii mudima usiya mbi atala lya bantu lino!

⁴⁴ Ino coonse caamba nzi? Ca amba boobu, kuti cindi inyika... Ncinzi caka bamba mweezi kuyabaala, kakali kaambo kakuti i—i zuba... nyika yakanjila mu cimvule ca zuba, eco cakali kulitondezya cini aa nyika. I inyika yakanjila mu cimvule. Eelyo ndepenzi ku mbungano. Eelyo ndepenzi a Presbyteria, Methodisti, ba Pentekoste. Eelyo ndepenzi a ndiswe toonse. I inyika yazima Mumuni oyo ngo tweede kutondezya, yali nyona ini kufwambaana a kunjila muli Nguwo, elyo, mbuli mbo ziindana, ibikka mudima ali njiyo.

⁴⁵ Elyo inyika yanjila mu mbungano, mu i—mu zina lya kabungwe, zina lya kayanza kamwi kabuzumini, nkabela “tuli bakombi a koonse *oku* a koonse *oku*,” pele nekubaboo ikaka nguzu zya bubuke izya Kristo ku kusimpikizya Ijwi Lyakwe eelyo lyakasinsimwa lya buzuba obuno. Kukonzya biyo kuba Mumuni kwiinda ku Ijwi lya Leza. Tu lizi obo. Leza, ku matalikilo, kati, “Akube mumuni,” nkabela mumuni wakaba, kusimpikiziga kwa Ijwi Lyakwe elyo Ndyia akaamba.

⁴⁶ Kusiya, kwakasizya! I inyika yakanjila mu bweende bwa kutondezegwa kwa zuba ku mweezi, a kwi isizya. Nce ncico ncobeni cakacitika ku bulenge, na kumuuya. Mbo kwa kacitika ku bulenge, kwaka vunikila a kutwa ambila, nce ncico eco cacitika.

⁴⁷ Lino, nywebo mwabona obo mbo cilibonya kumamanino. Bunji bwanu no bantu baniini, tamu keeleeli kucembaala maningi kusikila myuo cibona, nekuba, ikuti na mukapone myaka yotatwe na yone imbi.

⁴⁸ I mweezi lino, tuli mu Bukkalo bwa Mbungano ya Laodikeya. Mu Bukkalo bwa Mbungano ya Laodikeya, ku mambungano oonse amwi, Laodikeya, bukkalo, bwa mbungano bukasala biyo, Kristo wakali anze lya mbungano. Kufumbwa mubali wa Bbaibbele ulizi obo. Ci'yubunuzyo 3, Wa kali anze lya mbungano, kasoleka kujana nzila Yakwe ku njila alubo, elyo taakwe nokwa kaambwa kuti Wa ka njila. “Pele mbuli boonse Mba kayanda, Wa katapatila a kukoma.” I Mulumbe inga uyo tapatila a kukoma abo Mba kayanda. Lino, wali kukonkomona, kusoleka kunjila; mudima waka Ci jalila, mbubonya eco ciboola

kucitika. I Mumuni oyo wali kumweka, calino uyo zima ncobeni cakumaninina. Coonse ciyo njila mu kupanga cinkozya ku cinyama. Elyo tu lizi eco nco caamba, eco nciindi camamanino.

⁴⁹ Leza, ku matalikilo, kandaanya mumuni kuzwa ku mudima, elyo ncencico alubo Leza ncali mukucita. Leza ulandaanya mumuni kuzwa ku mudima. "Ku matalikilo," Wa kati, "akube mumuni." Lino, amuyeeye, takukonzyi kuba mumuni kakutakwe Ijwi lya Leza. I zuba ndilyona anze awo ndi Ijwi lya Leza, lyakasimpikizigwa. Kwakali mudima usiyambi atala a nyika, sikunku a busi bwa meenda atala a nyika, elyo Leza wakati, "Akube mumuni." Lino ino kuti mumuni niwata kaboola? Mpawo nicataka Mu citila bubotu ku kwaamba. Pele cindi Na kati, "Akube mumuni," elyo mumuni wakaboola mukuba, kusimpikizya kuti Ijwi Lyakwe lyakali luleme. Oyo mumuni ngo tuponenawo sunu.

⁵⁰ Elyo Mumuni ulikke biyo ngo tu konzya kuba awo sunu, mu mbungano, ngu Leza kasimpikizya Mumuni Wakwe ku nzyalani eyi.

⁵¹ Inzyalani aimwi yaka bikkilwa kunji boobu, kwakacitika mu mazuba abo. Tonse tu lizi obo. I basinsimi bakaboola a cilawo. Balo, Ijwi lya Mwami lyakaboola kuli mbabo, baka Li mvwisya. Ii *mulunguluzi*, mu Cizuminano Cakale, caamba kuti, "umwi oyo Ijwi nko lyayubunwidwa." Elyo obo mbo ba kuziba, nkaambo ulazibi kale zintu ziboola. Mpawo Ijwi lya Mwami lya kaboola kuli mbabo, bukkalo abumwi.

⁵² Jesu wakati kuli Johane, kujatikizya Johane, "Wa kali mumuni ubalama a kumweka, kwa kaindi kasyoonto." Nkaambonzi? Isaya, myaanda ya myaka ciloba a kkumi aibili katana kuzyalwa, kati, "Kuli jwi lya umwi woompolola mu nkanda." Malaki, cipati 3, kati, "Amubone, Nda tuma mutumwa Wangu kumbele lya busyu Bwangu, kubamba nzila kumbele Lyangu." Mwabona, wa kali Ijwi eelyo lyakali kusimpikizigwa. I Ijwi eelyo lyakasyomezegwa ku buzuba obo, wa kali mumuni, nkaambo wakali kuzwidilizya Ijwi ndyoonya Leza ndya akaamba kujatikizya ngewe.

⁵³ Elyo cindi Jesu nakaboola, Johane wakati, "Nde elede kuyabaala lino; We elede kuboola mu kulibonya kwantangalala." Elyo Wa kali mumuni. Muciindi coonse kwiinda mu makkalo, obo Leza mbwa akaamba oora eelyo kuboola!

⁵⁴ Mbobuti bapaizi abo mbo baakakilwa Kuu bona? Mbobuti mbo baakakilwa? Mbobuti abo ba Farisi aba Saduki mbo baakakilwa kubona? Wa kati, "Amulingule Magwalo, nkambo muli Ngawo tuyeyya kuti mujisi Buumi Butamani, alimwi Nge Ngawo aalungulula Ndime." Mbobuti mbo baakakilwa Kuu bona, bakwesu? Nku kaambo kakuti kwakali sinsimidwe kuti bayo cicita.

⁵⁵ Elyo mbo kubede asunu, oyo mudima usiyambi uya buboola atala lya bantu, elyo mpaawa mpo tubede! Leza wa kabikka Ijwi Lyakwe kuti liyubululwe ku buzuba obuno, elyo ngo Mumuni ulikke ngo tu jisi, elyo Leza uyo lekela muntuumwi kuyubulula Ijwi eelyo. Muntuumwi uyo cicita. Wa kacisyomezya, alimwi Ula beleka mbubonya buyo Mbwa akali kucita lyoonse kwiinda kuli nguwo.

⁵⁶ Tana cincide bupange Bwakwe bwa mulimo. Ula sinsima eco ciyo citika, mpawo Utuma muntumwi ansi a kusimpikizya ceeco. Elyo cila uluka ku mitwe yabali mamilioni, nkaambo, mudima uvumba nyika ku ciindi eco. Elyo bantu bayandisya mudima kabotu kwiinda mbo bacita Mumuni, nkaambo mudima ujisi misaalo minji.

⁵⁷ Nda kabona cisobano ca Hollywood, kutali ciindi cilamfu cainda, kati, "Buumi butalika zuba lyabbila." Nce cindi lufu nolatalika; oonse aya manaiti kkilabbu, alimwi oko nkoba yeeya kuti balapona. Bali mu kufwa.

⁵⁸ Leza, ku matalikilo, kaandaanya mumuni kuzwa ku mudima. Wa kacita eco lyoonse. Ino Ucita nzi? Ula sungilizya eco, kwiinda ku mumuni uboola, Ula sungilizya mudima kuya ku lubazu lumbi lwa nyika.

⁵⁹ Elyo nce ncico ciboola kucitika lino. Nku bucedo buyo. I nyenyezei yaku bucedo yazwa kutambula buzuba buboola. Elyo Muuya Uusalala kautondezya Mumuni Wawo. Cila boola ciindi Mumuni a mudima noziyo andaanizigwa, umwi kuzwa kuli umbi. Mbungano a ncililano yayo iyo endeleya bubambe bwa buzuba; alimwi Kristo a cisyomezyo ca Ijwi Lyakwe lya Mumuni lya kasyomezegwa bayo inka mu Kukwempwa. Nce cintu cilikke cisyeede kuli mbabo kucita. Bwalo mbuzuba, sunu, nkupasuka kwa buzuba bupya, ku banji abo balangila Kuboola Kwakwe.

⁶⁰ Bantu banji, loko babotu basinizizye sunu, eco nce cuumpa myoyo yabo, banji loko, bantu babotu basinizizye mbuli Maria a Josefa. Ba kali kuzwa ku pobwe, elyo bakasweekelwa Jesu. Bantu banji bala cita eco cintu nciconya sunu, kabayeeya kuti Ula antoomwe a mbabo. Lino, Ndi yanda kubikka mumuni oyu musyoonto kuli ndinywe, kumutondezya obo Ijwi lya Leza mboli takakilwi.

⁶¹ Toonse tuli waano, masikati aya, abo bali Mbanakristo, basyoma kuti Jesu Kristo wakali Ijwi lya Leza, lyakayubululwa. Tula syoma kuti Wa kazyalwa kuli nakalindu. Wa kali cikombelo omo Leza Singuzuzyonse mwaka kkalila, ano aa nyika. Kutali buyo musinsimi, kutali muntu buyo, pele Leza Mwini wakayubululwa mu ciimo ca muntu. Wa kali *Emanuele*, "Leza ula ndiswe." Tula syoma obo, a koonse kwa moyo wesu. Elyo lino amubone cindi Marta na . . .

⁶² Maria, mubwini, a Josefa, kabayeeya kuti Jesu wakali a mbabo, bakali kulimvwa buyo kuti Wa kali a mbabo, kabayeeya,

“Inga kakuli kabotu buyo. Ula ngidwe kuba a ndiswe.” Pele bakaimpya cakuusa. Ta kaliwo.

⁶³ Bantu banji, loko babotu bali boobo sunu. Ba yeeya kuti, ba labona oora kaliswena, ba lizi kuti cintucimwi cilibambilwa ku citika, ino bacita nzi? Ba launka kusangana mbungano, kabayeeya kuti Ula mbabo. Bala sukana maanza a mukambausi, kabayeeya kuti nkukoonse nko beelede kucita, “Ula mbabo.” Kuzibisigwa na kubbizigwa munzila imwi, nkukoonse nko beelede kucita, kabayeeya kuti Jesu ula mbabo. Mukwesu, mucizi, mbubonya mbuli Maria, Josefa, ba kale, bantu basinizzye kwini, nekubaboo bo balilubide.

⁶⁴ Buumi bwako bulatondezya naa Jesu ula nduwe na pe. Buumi bwako bulatondezya na Ula kkala *awa*, naa Ucili ku majulu Aakwe na pe, kufumbwa mbobede. “I milimo eyo Nje cita muyo icita a nywebo.” Mbobuti mbo konzya kuba a Kristo muli nduwe, elyo mpawo Muuya nguwenya muli nduwe kuukaka Ijwi Lyakwe, a kubweza kayanza kabuzumini abusena? Ta Uko nzyi kucicita. Inga walizunda Mwini kwiinda kukukaka Ijwi Lyakwe Mwini.

⁶⁵ Sena nkaambo buyo kakuti muntuumwi wakabikka bupanduluzi bulubide kuli Ndilyo? Uli jisi Bbaibbele, ula konzya kubala mbuli muntu oonse umbi. Ko sinizya.

⁶⁶ Davida wakati, “Amu Mu bikke lyoonse kumbele lya busuy bwanu.” Amuzibe kuti cindi twa swaana mwaka oyu mupya, tu uswaana mu nguzu zya bubuke bwa Kristo. “Walo lyoonse uli kumbele lyangu. Nse ka zungaanisigwi.”

⁶⁷ Mwabona obo Ijwi mboli takakilwi. Maria a Josefa... Lino kuli ndinywe, nobeenzuma bayandwa ba Katolika, abo baamba kuti Maria wakali banyina Leza. Maria takali banyina Jesu akwalo, amumuleke alikke kuba banyina Leza. Mbobuti mbwa kali kunooba? Mbubo. Taakwe ciindi nociba comwe Nca kamwiita kuti baama; taakwe nokuceya.

⁶⁸ Ba kaboola kuli Nguwe cimwi ciindi, a kwaamba, “Banyoko a babunyoko balalindila anze.”

⁶⁹ Wa kalanga a mbunga Yakwe, kati, “Nguni baama Bangu? Mbaani bakwesu Bangu?” Kalanga basikwiya Bakwe, kati, “Abo bacita luyando lwa Taata Wangu, mbe mbabo mbuli baama Bangu, Bangu...”

⁷⁰ Aa ciingano, cindi Na kali kufwa, Wa kaamba acalo cintu nciconya. Wa kati kuli Johane, Johane awa, mwaalumi oyu, “Mulombe, bona banyoko!” Kutali, “Baama, bona mwana wanu.” “Mwanakazi, bona mwana wako!” Kutali, mwabona, taakali banyina Leza.

⁷¹ Waa kali buyo zyalilo lyakalombwa eelyo Leza ndya kabelesya; biyo mwanakazi uli oonse oyo Leza ngwa yeeyela kubelesya. Inga Wa belesya (lyako) zyalilo lya moyo wako,

kutondezya Mwana Wakwe, ikuti na wa—ikuti na wa Mu lekela buyo ku cicita. Mwabona? Kutali banyina Leza. Inga ni kweelela kuba kunyanyamukwa, akwalo kuba mbuto ya Maria. Taakwe akwalo Na kali mbuto iizwa kuli Maria.

⁷² Ca kali, cintu coonse, wakali Leza, Mulengi. Ikuti na Adamu mutaanzi kaindi okuya wakalengwa kakutakwe taata a baama, i Adamu Wabili wakali cintu nciconya. Elyo kufumbwa cintu cisyoonto kuli ceeco nicataka Mu bikka kweelana a Nguwe. Mbo mbubo. I Leza nguwenya, Wa kalenga mubili oyo Walo Mwini mwaakali kukkalamo.

⁷³ Lino tu jana, amulange obo, amulange, ikuti na Maria wakali banyina Leza, obo mbwa aka ziluka, okuya. Waa kati, “Bauso a Ndime twa Ku yandaula cakuzwa misozi.” Kukaka kuzyalwa kwa nakalindu, “Bauso, Josefa, a Ndime, twa Ku yandaula.”

⁷⁴ Amulangilile oyo Mulombe wa myaka ili kkumi aibili yakukomena, Mwana wa myaka ili kkumi aibili yakukomena, kati, “Ta muzi kuti Nde elede ku cita mulimo wa Taata Wangu, kukaazyanya a mbabo basitubungwe kutala kuya?” Lino, ikuti Na kali a, kucita mulimo wa Josefa, Na kali kunga uli kunselelo ku cintoolo ca kubezela. Josefa takali wisi Wakwe. Leza wakali Wisi Wakwe. “Sena ta muzi kuti Nde elede kucita mulimo wa Taata Wangu?” Kutala okuya, a myaka ili kkumi aibili yakukomena, abaaboo bapaizi bakayiide. Taakwe buzuba bomwe mu cikolo, pele nekubaboo bakagambwa ku busongo. Elyo amulange i... .

⁷⁵ Wa kali Ijwi. Cindi Na akazyalwa, Wa kali Ijwi. Ucili Ijwi. Amubone, Ijwi tali kabwezi cakulikozyanisya. Waa kati, “Bauso a Ndime twa Ku yandaula cakuzwa misozi.”

⁷⁶ Kati, “Sena ta muzi kuti Nde elede kucita mulimo wa Taata Wangu?”

⁷⁷ Katapatila banyina Bakwe Beni? Nkaambonzi? Wa kali Ijwi. Inga kwaba mubuzyo mu mizeezo ya muntuumwi, ikuti na Maria awa, oyo lumwi wakati “Muuya Usalala” waka muvunikila a kuzyala Mwana, elyo mpawo awa kwiita Josefa kuti wisi. I Ijwi tali kakilwi. Tali konzyi kwaacilwa.

⁷⁸ “Sa ta muzi kuti Nde elede kucita mulimo wa Taata Wangu?” Elyo Wa kali kucita mulimo wa Taata; kutali—kutali mulimo wa Josefa, kupanga zitendele a—a zintu zya mubezi. Wa kali kucita mulimo wa Taata Wakwe, kululamika tunzenyu twabukombi ntoba kajisi mu buzuba obo. “Ta muzi na kuti Nde elede kucita mulimo wa Taata Wangu?” Iiyi, munene.

⁷⁹ Bantu banji sunu, mu mambungano manji aya mabotu, banjila mu kkanso ya mbungano; kutali “kwiinka” mukati, mobali kale. Bala mvwaa kuti nce cintu buyo ncobeni cakucita, “Cabulongwe, bubotu, nkaambonzi toonse tatu booli antoomwe?” Baa, bali mukusola, boonse, kwa myaka, kubamba boonse ba Methodisti Baptisti, a boonse ba Baptisti kuba

ba Presbyteria; ba Pentekoste basola kubamba boonse babo kuba ba Pentekoste. Ta mukonzyi kucita ceeco, pele kkanso mbwiinguzi bwanu. Mbo bwiinguzi, eco Bbaibbele nco lyaamba kuti bayo cita, alimwi mbo mbubo ncobeni mbo bacita. Mambungano abulongwe ngu, iyi, munene, kubaantoomwe, "Ncibotu, atube a luswaanano!"

⁸⁰ Bbaibbele lyakati, "Mbobuti bobilo mbo bakonzya kweenda antoomwe ccita kuti bazuminana?"

⁸¹ Bamwi babo balakaka kuzyalwa kwa Nakalindu. Mapeseenti ali makumi alilusele alakaka a mambungano aa Protestant aliakaka kuzyala kwa Nakalindu. Elyo bala kaka lubapatizyo lwa Muuya Uusalala. Bala kaka zitondezyo zya Kuboola Kwakwe, Nguzu zya bubuke. Bala kaka kuti Ngu mbobuca nguwenya, sunu, amuya myaaka. Mbobuti mbo mukonzya, kakuli Leza kabikka lupyopyongano loonse olu mu inyika nkaambo mwanakazi buzuba bumwi waa kadonaika kabeela komwe kaniini ka Ijwi Lyakwe? Saatani waka mwaambila Bwini, boonse pele cintu comwe, pele eco nco cintu cakaleta mapenzi oonse. Lino, ikuti na oku koonse kuciswa myoyo a kuusa oko nko mwellede kulangawo, nkaambo kakuti kabeela komwe kaniini ka Ndilyo kaka donaikwa, sa myeeya kuti kabeela komwe kaniini ka kudonaika kayo sola ku tunjizya?

⁸² Nkekaambo Jesu uboolela Nakalindu usalala, unjoloma, uwzide Muuya Uusalala, alimwi utali wa inyika, pele wa Nguzu zya Leza. Oh, obo mbocili cibotu kuziba kuti kuli kukonzeka kunjila mu Nkamu eyi! Mbobuti mbo mukucita? Tamu kakuciti kwiinda ku kusangana kabunga. Muyo cicita cindi mwa kubapatizigwa a Muuya Uusalala, mu Mibili wamaseseke wa Jesu Kristo, kubusigwa a Nguwe mu bubuke, kwaanguluka ku lufu a cibi. Eyo nje nzila ilikke.

⁸³ Mudima! Tubungwe tupati, a nkamu mpesi ya bantu baboola antoomwe a ku bikka mizeezo yabo kujatikizya Ndilyo, elyo eco cimujosya moonya mu kupilingana mbuli mbo kwakabede ku matalikilo. Taakwe bulangizi pe mu kaambo ako; wa unka buyo. Elyo boonse babo balibonya buyo kukopanisigwa-loko kujatikizya mambungano aya abulongwe, kuyeeya kuti Leza uyoba a mbabo. "Ee, Mileniamu iyotalika cindi kkanso ya kubunganya boonse antoomwe kutala okuya, a nkamu zyonse zyabuvangeli, azimwi zimbi," elyo balasangana. Ino bacita nzi? Kupanga cinkozya ku cinyama, nguzu, kuti oko kuli boonse batali basitubungwe, abamwi bambi, abo bata kasangani a mbabo, bayo tandwa. Amulangilile buyo a kubona ikuti na eco cilacitika.

⁸⁴ Ndili cijisi cili lemedewe awa, buzuba mbubonya notwa... I Mwami waka ndilekela kubona ceeco mu 1933. Elyo nceeci we mbubonya munzila eyo nja...nzila mbo Ca kaamba, kuboola munzila njiyonya, obo popu mbwayo siya Rome, a zimwi zimbi.

⁸⁵ Lino, mbantu babotu, pele balilubide. Josefa a Maria bakali bantu babotu, pele balubide ncobeni. Pele ino cakali cinzi? Leza waka belesya Mulombe wa myaka ili kkumi aibili yakukomena kutondezya kuti Ijwi eelyo lyakeelede kukkanala kali njoloma, mbubonya buyo mbo Lyka kabede, eco Nco lya kaamba busena butaanzi, “Wa kazyalwa kuli Nakalindu,” nkabela obo mbombubo Mbwa kabede.

⁸⁶ Kabayeeya kuti Wa kali a mbabo cindi niba kasangana mambungano, azimwi zimbi, pele Tii lyakaliwo. Lino, pele ku Basale... Lino, oyo mudima, elyo inga Nda kkala ali ceeco ku oora limbi.

⁸⁷ Pele ku Basale, Basalali ba Leza, bayandisi a baitidwe, Nda mwaambila, oyu mwaka uboola: Shalomu, luumuno lwa Leza!

⁸⁸ I oora lyasika! Ikuti Ne kaliko kaindi okuya kakutanaba mazuba inyika niya kalengwa, a kulanga ansi a kubona cintu coonse, a Taata wati kuli ndime, “Mbuzuba nzi mbonga wa yanda kuyopona?” Ne kaamba kuti lino, ndyoonya lino! Eli nde oora! Eli nde oora lipati maningi elyo Mbungano moyola kunjila, kakutanaba buyo Kuboola kwa Sibwiinga. Oh, Mbungano ini ya Leza muumi yeelede kuba kulimvwa kupya, kaiyaka, a Mumuni wa Makanimabotu kaasimpikizigwa akati kabo. “Buka umweke, nkambo Mumuni waku sikila,” Mumuni wa buzuba obuno. Isaya wakali mumuni wa buzuba bwakwe. Nowa wali mumuni wa buzuba bwakwe. Nkaambonzi? Wa kajisi Ijwi lyakayubululwa. Elyo Makanimabotu, Majwi aa Bbaibbele aa buzuba obuno, ngo Mumuni wa buzuba. Ino nciindi cabulemu nco tupona!

⁸⁹ Lino, “mwabuka kabotu” caamba *luumuno*. Mudima ula bungana. Ino ubunganina nzi? Ku tondezya Mumuni. Isaya 60:1, “Buka umweke, nkambo mumuni waku sikila.” Nke kaambo Nce konzya kwaamba kuti, “Shalomu,” Mumuni wamu sikila, luumuno lwa Leza ku Mwanakazi musale, ku Mulindu musale; abo Leza mba, kuzwa ku malengelo aa inyika, mbakaita a kusala kuli Nguwo.

⁹⁰ I bamwi babo tabaka Uboni. Taba kazibi cintu kujatikizya Nguwo. I Bbaibbele lya kaamba booboo. Elyo Jesu wakati, “Kunyina muntu uyo boola kuli Ndime cita Taata Wangu wa muleta, lutaanzi; alimwi boonse Taata mbaka Ndi pa bayo boola.” Nku...

⁹¹ Mpaawo kwakaimvvi Judasi, Mumuni kaumweka *awa*, pele kunze lya moyo wakwe kwakali mbuto isiya. Cindi kazekelo nikakasika, mudima wakayutuka.

⁹² Ngooyu mwanakazi mucembele, muubauba, koonse kasiya, kutala *awa* ambele, pele kunsi *awa* kwakali mbuto ya kakanzwa. Elyo cindi Mumuni niwa kasika, Wa katanda mudima, nkabela yakali tondezya. “Tu lizi kuti Mesiya ulaboola, elyo, cindi Acita, Uyo tutondezya zintu ezi.”

Jesu wakati, “Nde Ndime.”

⁹³ Pele Judasi waka Li donaika, kakuli wakeelede kunoendela mu Mumuni. Mwabona, Mumuni atala *awa* taakwe penzi; walo Mumuni kunsi *awa* oyo ngo muyandisi. I Mumuni atala *awa* uyoenda akuba a luswaanano, a zintuzyonse zimbi; pele cindi Nguzu zini zya Leza zya njila, taukonzyi kujokela ku mbuto *eyi* ifwide, uyo litondezya kuleya kuya mu kabungwe.

⁹⁴ Pele cindi Wa selemukila kunsi *awa*, mbuto ini, yakakanzwa, cindi Mumuni oyo waboola kunsi awa, utondezya kuzwa kwa mudima koonse kuli nduwe, aku kubikka mu luswaanano a Kristo. Wa kali Nguwe Oyo wakakupa Buumi kuzwa ku malengelo aa inyika, nape taka Uboni pe, eco Leza ncakaamba.

⁹⁵ Lino, kuli ndinywe no Mbuto yakakanzwa, Shalomu! Ameni. Luumuno lwa Leza lube ali ndinywe, nkaambo tuli munsi ku mamanino lino. Tuli kunselelo nkoonya munsi lya ku mamanino. Tuyo kanana kujatikizya nkamu eyo, kwa kaindi kasyoonto. Shalomu!

⁹⁶ Mumuni wa Leza wasika. I Ijwi, Mumuni, lyasimpikizigwa alubo, kutegwa mubone luyubunuko lwa cisymezyo ca Leza ca buzuba obuno. “Amulingule Magwalo, muli Ngawo muyeeya kuti mujisi Buumi Butamani.” Alu ngulula zya buzuba mbo tuponamo. Ino Mumuni wa buzuba ninzi? Ino Bbaibbele lyaka syomezya nzi ku buzuba obuno? Amubone oora mbolibede!

⁹⁷ Ta cigambyi Jesu ncaka batapatila nkambo ka kutasyoma Johane. Wa kali mumuni, nkaambo musinsimi wa kaamba kuti wa keelede kuyo boola. Elyo ngooyo we, mumuni wakayubululwa. Tiiba kaubona. Tiiba kaumvwisya; ba kali kuyeeya kuti wakali Mesiya, alimwi *ba* kayeeya cintucimwi cimbi, a *ceeci* cimbi. Ba kakakilwa ku Ubona.

Jesu waka boola. Mimuni yobilo tai konzyi kumweka aciindi comwe.

⁹⁸ Ta kukonzyi kuba mumuni wa mbungano a Mumuni wa Leza kumweka aciindi comwe pe. Kweelede kuba Mumuni wa Leza kuuzima mumuni wa mbungano. Elyo nce ncico cicitika ncobeni sunu. Leza uli mukwaandaanya busimbungano kuzwa ku Mumuni Wakwe wa Ijwi lya kasyomezegwa lya oora eli ndyo tuponamo. Obo Mbwini, mweenzuma. Inga toyanda ku syoma ceeco, pele kolindila buyo a kubona kuti na mbo mbubo na pe. Uta lindili, ncibotu wanjila ndyoonya lino nokucili coolwe cakunjila.

⁹⁹ I Ijwi Mumuni cindi Lya simpikizigwa. Kusikila Ijwi, ncilya kasyomezya ku buzuba, lya simpikizigwa, mpawo tauli Mumuni. Tali konzyi kuba. Ikuti na Leza wakati, “Akube mumuni,” elyo katakwe zuba lyakaba, taakwe citondezyo ca mumuni. Pele cindi Leza nakati, “Akube mumuni,” elyo mumuni wakaba. Cindi Leza nakasyomezya Mesiya, Mesiya wa kaboola, mpawo Ijwi Lyakwe lyaka zulizigwa nkabelwa Wa kali Mumuni wa oora.

Cindi Na ka syomezya Nowa, alimwi Wa kasyomezya abamwi, a kuyakuya ansi, bakali mumuni wa oora.

¹⁰⁰ Elyo kuli Mumuni wa oora sunu, oyo ngu Jesu Kristo mu nguzu zya bubuke Bwakwe, Ijwi Lyakwe lyakasyomezegwa lya buzuba obuno. “I milimo Nje cita, moyo icita anywebo; mipati kwiinda eyi moyo icita, nkambo Nda unka kuli Taata.” Milimo mipati, zintu zipati kwiinda Nzya kacita? Sena mula cisyoma? [Mbunga yaamba, “Ameni.”—Mul.] Nda cisyoma. Cili bonya bubombe. Cili bonya kuta mvugwa kwa bantu. Amulange cindi Na kali ano a nyika, mbobuti mbo mwakali kuyocita milimo “mipati”? Nda kasandulula eelyo, ziindi zinji, “minji,” pele cintu nciconya. “Mipati,” Wa kati mu Musalali Johane 14:12, “milimo mipati kwiinda eyi moyo cita.”

¹⁰¹ Sa mwa kabona? Cindi Na kaunka kuyo sandula maanzi kuba waini, Wa kabweza maanzi, lutaanzi; cintu cakalengwa kale, a kusandula kuba waini. Cindi Na kasanina bantu bali zyuulu zyosanwe, Wa kabweza inswi eyo yakayambide kale mu maanzi, kwiikomona, kuyaabanya, a kuvuzya cilenge. Wa kabweza cinkwa eco cakali whiiti lumwi, kajika kuba cinkwa, kucikomona a kucilengelezya ku i...kucaabanya ku bantu, elyo kakajokela. Kavuzizyra cilenge!

¹⁰² Pele mu mazuba akumamanino, awo atakwe citondezyo cabulenge, Ucaamba kuba cilenge, nekuba, tondezya kuba Leza nguwenya wakali ku matalikilo. Ula konzya kulenga basikaale, Ula konzya kulenga kufumbwa Nca yanda kulenga, nkaambo Ngu Leza. “Zintu zipati kwiinda zeezi moyo cita, nkambo Nda unka kuli Taata Wangu.” I Ijwi tali kakilwi, elyo Lye elede kuyubululwa alimwi lyeelede kuzulizigwa. “Mipati kwiinda eyi moyo cita,” kutali kuvuzizyra, pele kukanana kuba mu bulenge.

¹⁰³ Amubone ku Ijwi lino cindi Na kasyomezya. Mpali, mpali mpo tubede, kai? Mbuzuba nzi mbo tuponamo? Ino ndi oora nzi? I kuyubululwa kwa Ijwi lya Leza, mbuli mbolibede mu maoora oonse. Muli jisi Mulumbe aa *Makkalo Aa Mbungano Ali Ciloba*. Amulangilile ncobeni obo acimwi ca zinyama ezyo zyakaunka, a zinyama zyaka batobel. Amulangilile ncobeni ikuti na tii cakauma muciindi cakatobel kwiinda mu bukkalo bwa basilubambululo, a bukkalo boonse, mbubonya buyo nzila mbo cakeelede kuba, mbubonya eco Ijwi nco lya kaamba. Elyo mbubonya Muuya Uusalala mbouyo yubulula asunu mbubonya buyo eco Bbaibbele nco lya kaamba kuti ciyooba.

¹⁰⁴ Tula bona kuvumbililwa kwa majulu aa nyika, a zintu zyoonse, a makkanso a zintu kazili bambila.

¹⁰⁵ Elyo tula bona, akati ka coonse eco, Makanimabotu aabulemu aa Jesu Kristo, akasyomezegwa ku buzuba obuno, kuli yubulula Eeni. Tu pona mu ciindi cibotu loko. Shalomu kuli ndinywe nomu jisi Ijwi kunsi lya myoyo yanu, kasalwa kuzwa ku malengelo aa inyika, kumvwa Ijwi lya buzuba obuno. Ikuti

na tamuciti, mwaka mubi kuli nduwe aambele. Ikuti mula cita, ni inyika ndemu kuli nduwe aambele, buzuba bulemu, mwaka mulemu uboola lino, mwaka mupya.

¹⁰⁶ Kutali kuvununa peeji lipya; bantu banji bala sola kuvununa peeji lipya ku mwaka mupya, kuli josya buzuba butobela.

¹⁰⁷ Mbuli kaano kaniini Nke kali kubala cifumo cimwi. Ii mwanakazi wakoongolweda mulumi wakwe, oyo waka fumide kubuka a kuunka kuyo jana mutende wa cifumo, elyo wakali kubala mutende wa cifumo. Wa kati... Waa kati, “Sena kuli cintu cimwi cipywa mu makani?”

Wa kati, “Peepe, cintu nciconya buyo, mbantu buyo bandeene.”

¹⁰⁸ Oko kutandila ku nzila mbo ibede sunu, cintu nciconya. Tu jisi kabunga kapya, njisyo njiyonya yakale; kwibebebeka buyo koonse, muntumwi wajana ciimo ciniini ca ncico kuunka nzila eyi na nzila eyo.

¹⁰⁹ Obu mbuzuba bupya. Aleluya! Obu mbuzuba mbo tweelede kubuka akumweka, mu Nguzu zya Jesu Kristo. Mudima usiyambi kuukalilila atala lya nyika; kweelede kuba buzuba bwesu bupya, iiyi, nconzyo, kucicita buyo munzila Mbwa cicita. Pele amucebukile ku Ijwi Lyakwe a kubona cisyomezyo cakasyomezegwa ku buzuba obuno, elyo muvo ziba naa mupona mu Mumuni wa buzuba na pe. Kucinca kkalenda taku cinci ciindi; ku cinca buyo kkalenda.

¹¹⁰ Lino amuswilisisye. Amucite mbuli Davida mbwa kacita, amubikke buumi bwanu buciza mu janza Lyakwe. “Buti? Ncini Nce elede kuziba kucita, Mukwesu Branham?” Bikka buumi bwako buciza mu janza Lyakwe. Taakwe makani eco ciboola na kuunka; ko Mu syoma. Walo ndi Ijwi, lino ziba. Davida wakati, “Ciindi Cakwe cili mu janza Lyangu. Ko syoma muli Nguwe ciindi coonse. Lyoonse ko syoma muli Nguwe.” Wa kalizi Oyo waka jisi buumi buciza, Davida wakacita, nke kaambo nea kali kukonzya kwaamba boobu. Kuli biyo Omwe ujisi buumi buciza, ngu Leza. Aboobo, Ula jata i—i buumi buciza, ko Mu lekela akujatillile. Yaa.

¹¹¹ Bantu bamwi balaamba, “Pele, Mukwesu Branham, Nda kasola alimwi Nda kasola.”

¹¹² Pele lindila asyoonto. Lukakatilo ni nsana. Lukakatilo ni nsana zya Muuya Uusalala. “Abo balindila ku Mwami uyo bukulusya nguzu zyabo.”

¹¹³ Yebo wati, “Mbobuti Mbwe konzya kulindila ciindi cilamfu?” Kozumanana buyo kulindila. Cindi wa cita koonse nko konzya kucita ku kwaima, mpawo koima, wabona, koima buyo. “Mbobuti Mbwe yocicita?” Koima! Wa kaamba kuti Mbwini, alimwi bwalo Mbwini. Wa kaamba kuti ciyo citika. “Buti?” Ta ndizi; pele ciyo citika. Wa kaamba boobo. Wa kacisyomezya.

Ikuti na Wa kacisyomezya, ciyo citika. Kwa mana. Ta cikonzyi kusoweka buyo.

¹¹⁴ Aboobo lino amuyeeye buyo, Leza wakatola myaka ili zyuulu kuzulizya cisyomezyo Cakwe ca kuboola kwa Mufutuli. Myaka ili zyuulu zyone, Leza nja katola kuzulizya cisyomezyo eco. Pele Wa kalizi, kuzwa ku matalikilo, ndyoonya cindi nicakali kuyo citika. Wa kalizi; taakwe umbi wakazi. Wa kaamba buyo kuti ciyo citika. Elyo cindi nica kacitika, bantu bakali mu buzumini obo bwa lweeno, kusikila tii ba kaziba nzila yaku cizumina. Ikuti na cintu nciconya tii ca loolola kuciindi cimbi! Cila cita lyoonse, ta cikakilwi, mabazu obilo, lyoonse.

¹¹⁵ Neinzi Nca kacita muciindi ca myaka eyi? Wa katondezya zikozyanyo zya kuboola Kwakwe.

¹¹⁶ Wa kacitondezya muli Josefa. Ikuti na inga mwalanga buumi bwa Josefa; wakasulaikwa kuli babunyina, wakayandwa a bawisi. Nkaambonzi? Nkaambo wa kali simuuya, nkaambo wa kabona zilengaano. Bamwi babo tii ba kabona zilengaano; ba kali basikale pele tiiba kabona zilengaano, kupandulula ziloto. Pele ba kali kumuuvwida bbivwe. Elyo wa ka sambalwa kutandila nsiliva zili makumi otatwe, kagusigwa mu dindi omo mwaa keelede kujailwa, kakkala ku janza lya lulyo lya Farao. Elyo cindi nakali kuzwa aa cuuno cabwami, mweembo wakalila, "Amufugame ku mazwi; Josefa ulaboola!"

¹¹⁷ Mbubonya buyo obo Jesu mbwa kacitilwa, ulikkede ku janza lya lulyo lya Leza. Elyo cindi Azwa a Cuuno cabwaami, myeembo iyoolila. Elyo mazwi oonse ayo fugama, a kulyaambilila kuli Jesu Kristo, Mwana wa Leza. Mbubonya.

¹¹⁸ Wa kacitondezya mu zikozyanyo zya Davida, cindi nakali kutala aa...ii mwaami waakakwa kalangide koonse ku Jerusalema, koomoka. "Nkanji kanji buti nkwe Nda kufukatila, mbuli nkuku ntumbu mboinga yacitila twana twayo, pele toka zumina."

¹¹⁹ Muciindi kwiinda mu bukkalo, Wa kacitondezya mu zikozyanyo, mukuziba kuti buzuba bumwi cikozyanyo camamanino ciyo zulizigwa, a luyubunuko luzwide kwa Mesiya Wakwe waka syomezegwa kuti uyobako. Elyo cindi cisyomezyo cizwide caboola, nekubakuti Wa ka cikozyanisa... Buzuba a buzuba, mwaka a mwaka, Wa kacikozyanisa. Elyo cindi casika ku kasimpe, tiiba ka cisyoma.

¹²⁰ Wa cita cintu nciconya, kacikozyanisa, a ku citondezya mu makkalo aa mbungano, a zintu zyooonse, ku oora elyo ndyo tupona, alimwi bantu bali mu mudima usiyambi, libonya kuti ta konzyi kucimvwisya. Ino ncintu camause!

¹²¹ Buyo kubona mwaalumi mukubusyi awa mulombwana, mubotu, mupati, uubumbidwe kabotu amasusu aakwe, obo mbwa kavunganya mbuli banakazi mbo bacita, akusama tusani tujata mubili oonse, a nsweta mpati ilengelela ansi, alimwi

kasamide mabbusu aapepo. Sibwaalumi? Oh, ma, ino ncintu cibyaabi ca kwiita kuti mwaalumi! Ino ncintu ca kwiita mwaalumi! Mbo mbubo.

¹²² Mwabona mwanakazi umwi, weelede kuba weebeka mubuubauba a mubotu, kazwa anze kasamide bulukwe bwa mwaalumi, musanga watombwe mu mulomo wakwe, a masusu aageledewe. Ino ncintu ca kwiita kuti mwanakazi! Jesu wakaita Maria kuti, “mwanakazi.” Taelede akwalo kwiitwa boobo; muzyazi buyo.

¹²³ Amubone, a oora! Nkaambonzi? Ziindi zimwi bantu abo balataminina a kuyeeya kuti balisinizizye, pele mudima usiyambi waka banjizya muli ceecei. I Bbaibble lyakati bayooba boobo. Amubale Isaya 6 a kubona kuti na banakazi tii ba kai kuyo cita boobo ku mazuba amamanino, mbubonya buyo eco Bbaibble mbo lya kaamba kuti kuyooba. Ndi Ijwi lya Leza. Jeremiya a bamwi bandeene ba kakanana kujatikizya oora eli ndyo tupona lino, nkaambo ba kabona mamanino kuzwa kumatalikilo. Aboobo tula bona zintu ezi, a mudima usiyambi atala lya bantu.

¹²⁴ Iiyi, cakatolela Leza myaka ili zyuulu, kufu... kutondezya zikozyanyo a zintuzyonse, elyo kumalekelo tii ba ka Mu ziba cindi Na kaboola, nekubakuti Wa katondezegwa muli Josefa a Davida a Eliya, a boonse muciindi cakatobela kusikila okuya. Wa ka tondezegwa a mbabo, elyo nekubaboobo ta tu konzyi kumvwisywa kaambo nciba taka Li bona. Elyo nceeco cakaliwo, moonya mu Lugwalo, “Kuzwa mu Betelehemu wa Judaya,” Uyo zyalwa. Tu jana eco mu Magwalo, obo Mbwa keeledge kuyo zyalwa, kwa nakalindu. “Ii nakalindu uyo mita akutumbuka Mwana, nkabela bayo ita Zina Lyakwe kuti Emanuele.”

¹²⁵ Nkaambonzi nkibaka Mu jaila? “Nkaambo Wa kalipanga Leza Lwakwe,” elyo Wa kali Leza. Masimpe, bala cizumina. “Wa kati Uli panga Leza Lwakwe, weelene a Leza, kakanana, ‘Ndili Mwana wa Leza.’” Baa, Mbwa kabede!

¹²⁶ I Bbaibble lyakati Uyo tegwa, “Sinkuta, Mweenedelezi wa Luumuno, I Leza singuzu, I Taata uteeli, Mubotu!” Mbo mbubo Mbwa kabede. Nkaambonzi tiiba kamvwisywa ceeco?

Ta cigambyi Nca kati, “Mweenedele kulingula Magwalo.”

Ba kati, “Tuli basikwiiya ba Musa.”

¹²⁷ Kati, “Ikuti nomwakali basikwiiya ba Musa, nomwa Ndi ziba. Musa wa kalemba zya Ndime.” Elyo tiiba kacizi.

¹²⁸ Elyo oora lili aa bantu alubo, cindi nobaunka kutuyanza twabo twabuzumini a zintu, mucibaka ca Jesu mubotu. Mbo mbubo. Ezi zintu zilemu ncobeni zilibonya, elyo kubaleta mu mudima munji a mudima munji. Elyo Leza ka cilungulula mu Ijwi Lyakwe, ku zitondezyo a zigambyo mu majulu, a kuyutuka, kwaamba zintu ezyo zicitika mbubonya buyo ku oora a ku miniti,

eco ciyo citika. Elyo mpawo bala zumanana kweenda moonya mu nzila njiyonya. Boneka kuti ta bakonzyi ku cigwasya. Bantu babotu, iyi, munene, kabacita cintu nciconya lino mbuli mbo ba kacita kaindi.

¹²⁹ Tuli zilenge zya ciindi. Leza zilenge zya Butamani... Leza ncilenge ca Butamani. Taakwe nakatalika alimwi Ta kagoli. Aboobo nkaambonzi toli tuuli buyo lwako kuli Nguwe? Kolungumana, nkabela kumweka a lutangalo lwa Mumuni wa Ijwi ly a Leza oyo umweka sunu. Nkaambonzi bantu taba konzyi kubona Eco, beenzuma?

¹³⁰ Amuswiilile, Ndili munyoko. Nda tuyanda. Sena inga tiica nduubila kulekela buyo, cindi, a kuyaambele a kuti, “Oh, ee, Njoli mvwanya ali Ceeci, Njoli mvwa-...”? Nse pangidwe booboo. Peepe, munene. Cindi ly a nooli Ijwi, ndi Ijwi. Leza kotugwasya kwimina cintu ca kasimpe! Iyi, munene. Inga caba kabotu, masimpe, inga waba a kuumwaumwa kundelo. Pele cintu Mebo, Nceyo cita nkeimvwi oko ku Buzuba cindi minwe ilibonya tufuwa yanotondeka mu busyu bwangu a kuti, “Wa kalizi kabotu, pele wa ka kakilwa ku twaambila”? Fyuuu! Peepe!

¹³¹ Ndi yooba mbuli Paulo, “Nse leka kwaamba kuli ndinywe Luyando loonse lwa Leza.” Taakwe bulowa bwa muntu bulaali ndime. A Ci lekwe kuunka nkocinga caba. Obo mbwini. Leza ulicizi, alimwi Ula ciiminina a kwaamba kuti nea Bwini.

¹³² Amucebukile kunzi, ku Mukwesu Branham? Inga, inga mwaba bafubafuba kucita cintu cili booboo. Amucebukile kuli Kristo, alimwi Walo ndi Ijwi! Amucebukile kuli Kristo!

¹³³ Amuzwe ku tuyanza twabuzumini! Amujokele mu... Nse kwe ndaba, inga mwakatalika kayanza kanu kabuzumini, myaka ili zyuulu zyosanwe yakainda, ako buyo... Eco tacaambi cintu comwe kuli Leza. Balo ba Saduki aba Farisi bakatalika kaindi kamutana talika, nkabela bakapegwa mulandu.

¹³⁴ Oh, musola kubikka cizibyo canu ca Muuya Uusalala atala a micito yaandeene. Ndi syoma kuyubulula kwa Muuya Uusalala. Ino ucita nzi? I ba Pentekoste balati, “Kwaambaula mu myaambo ncizibyo citaanzi ca Muuya Uusalala.” Nda kabona balozi abang’anga kaba kanana mu myaambo. Nda ka babona kaba kanana mu myaambo a kunywa bulowa kuzwa mu kapompo kamutwe wa muntu, a kusinsima nkabela kukaka kuti kunyina nikwakali cintu mbuli Leza. Nda kaliko mu zilabba zya balozi awo mpo ba bikka penso aa tafule akwiibamba kusotoka mujulu aansi, a kulemba mu myaambo itazizilwe mpawo kupandulula. Mbo mbubo. Eco ta cijisi cintu ku... Nekubaboobo, Nda syoma kuti Leza ula kanana mu myaambo itazizilwe kwinda mu bantu Bakwe. Pele mubikka kwaambilisya maningi ali ceeco, “Nkaambonzi nco kweelede kuba sikupandulula? Nkaambonzi nco kweelede kuba mulumbe waku mbungano?”

¹³⁵ Mpawo nywebo nobantu bamwi, mwaamba kuti, "I micelo ya Muuya, obo mbo tu ziba. Luyandisyo, lutangalo, obo mbo twa kajana cizibyo." Obo na? Mpawo Krisiani Sayansi ula mwiinda nyoonse. Bala cita eco kwiiinda ndinywe nyoonse noba Pentekoste, Methodisti, a Baptisti, kumubika antoomwe.

¹³⁶ Amulangilile eco cicitika. Andi mutondezye micelo ya Muuya, a kubona kuti na muyo inkila eco limbi. Atu bweze Jesu. Leza ndijatile ku majwi aya Ngego wamba; Ndiyo Mu futatila kwa kaindi kaniini, ku mutondezya, kubweza kkanso eyi ya bantu awa, a kkanso eyi ya bantu awa masikati aya. Ndiyo amba...

¹³⁷ "Banene, kuli Mulombwana mukubusyi uliko awa, ulaa Zina lya Jesu muna Nazareta, mutabi a cintu cakucita a Nguwe! Oyo wakali mutaanzi... Ino ncinzi Bbaibble leyesu ncoli tuyiisyia? Leza nduyandisyo. Nguni wakali mutaanzi antoomwe anduwe cindi nokali kuzyalwa? Mupaizi wako, sibuuya mudaala. Mbo mbubo. Nguni wakaboola kuli nduwe nokali mukubula, toka jisi mali, elyo waka kukweletesya mali? Mupaizi wako, sibuuya mudaala. Mbubonya. Nguni wakabikka janza lyakwe kkuko lyako a kkuko lya banyoko, cindi nomwakali kutandila kwandaana, a ku mukombela kujokela kuli Leza? Mupaizi wako, sibuuya mudaala. Nguni waka mwiiminina, cindi yebo a simukobonyoko nimwakali kuzwangana, a kumu josya mu luswaanano? Mupaizi wako, sibuuya mudaala. Mbo mbubo. Nguni walo, sena majwi amamanino ayo ambwa kuli nduwe ku buzuba kulaale? Ino nguni? Ba kukulekela kulala awo a kubola; pele mupaizi wako, sibuuya mudaala waboola a kukulongezya, a ku tuma Ijwi lya Leza kweenda a nduwe. Mupaizi wako, sibuuya mudaala!

¹³⁸ "Ino mbuti Mulombwana oyu utegwa Jesu waku Nazareta, mpawo, mwabona, ncikolo nzi Nkwa kazwa? Mupaizi wako, sibuuya mudaala wakacita kutuula, boonse buumi bwakwe. Syaanyinakulu wakali mupaizi. Syaanyinakulu Wakwe mupati-mupati-mupati-wakali mupaizi bakali bapaizi. Wa kabikka ciindi cakwe coonse mu kabunga. Wa kayisigwa ku Ijwi; ulizi eco nca ambaula."

¹³⁹ Lino twa ambaula makani aa micelo ya Muuya: buuya, luyandisyo, lutangalo, luumuno, kumvwisya, kukkazikacamba, lukakatilo, mwabona, mucelo wa Muuya.

¹⁴⁰ "Ino mbuti Jesu oyu, ino Wa kazwa kuli? Ta tujisi makani aakuti Wa kasola kuzwa ku cikolo cili coonse. Koonse Nkwa cita nkusola kumwaya zikolo nzyo twakayaka." Taakwe kunji kwa mucelo wa Muuya awo, mbubo na?

¹⁴¹ "Ncinzi Nca kacita kutala okuya cindi abo basambazi abo bacete kunselelo okuya, a basimakwebo abo bakali ku...Ba, tabavubi mbelele, aboobo bala—bala yaka cimpati ciniini okuya kutegwa muntu inga waleta mbelele mukati. Oyo simakwebo

mucete, walo—walo uyanda kutuula mbelele, nkaambo nceelelo ca Leza. Uleta i—i mbelele mukati, kusambalila basimakwebo, kutegwa akonzye kutuula ku buntu bwakwe. Ino ncini oyu Jesu waku Nazareta nca kacita? Katapaula matafule aakwe; kabweza cikutu a kucoosa antoomwe, kubauma bapaizi abo kuti bazwe omo; nkabela kwiiita mupaizi wako, sibuuya mudaala, ‘nzoka mu bwizu; sikuupaupa’!”

¹⁴² Lino sa mwiita ceeco kuba mucelo wa Muuya? Embo ncobeni. Mpawo mpaali mucelo wa Muuya wako mpo usimpila? Buyo mbo yeeya zya lweetelelo, elyo Walo kainda mu bbunga lya bantu oko, mabunga kaalede, boofu, basunkuta, bapengede, bayuminide mibili, batyokede, balema, akutaponya naba omwe wabo; kazwide lweetelelo. Bantu bamizeeo yabusinyama tabaka Ci teeeli. Maseminari ta Ci yiisyi pe. Calo nciyubunuzyo. Masimpe. Mucelo wa Muuya wakaloka awo, embo na? Balo bapaizi bakali jisi mucelo wa Muuya ziindi zili kkumi.

¹⁴³ Mbobuti mbo konzya kuziba ceeco ciluleme? I kuyubunuka kwa Ijwi lya Leza lya kaambwa muku yubululwa, Mumuni wa oora. Masimpe. Nceeco cizibyo ca Muuya Usalala mbo cibede, kusyoma Ijwi lya Leza cindi Ly a yubululwa. Wa kali Ijwi, lyaka yubululwa. Elyo bamwi babo baka Li kaka, ku Li seka, ku Mu fubaazya a ku Mwiita kuti ii—ii musondi, muuya mubi umwi; nceeco cizibyo, kwaambaula mu myaambo, nceeco cizibyo ca micelo. I cizibyo cilikke ciliko, ncindi muntu a syoma Ijwi lilembedwe. Cindi Ly a simpikizigwa, kweenda mu Mumuni wa Ndilyo. Jesu wakali Mumuni wa oora nkaambo Wa kali Ijwi lya kasyomezegwa lya oora, a kusoleka ku baambila booboo, pele ba kali sakene—sakene loko mu mudima kuti ba Li mvwisye. Mbubonya mbo cibede, asunu, lino.

¹⁴⁴ Lino zilenge zya ciindi, ndi swe. Amu tuule nzila zyanu kuli Nguwe, nkabela Uyo oleta buumi buciza kuba kabotu, nkaambo twa Mu bona buyo mbuli Mbwali mu Ijwi.

¹⁴⁵ Mwa Mu bona kasimpikizya Ijwi lyaka syomezegwa lya buzuba obuno. Mula cibona mu zitondezyo mu mweezi. Mula cibona mu mambungano. Amuyeeeye.

¹⁴⁶ “Nywebo mwati, ‘mu mbungano,’ ino eco cila amakan nzi ku mbungano?”

¹⁴⁷ Kwakaindi buyo kasyoonto. I mweezi wiiminina mbungano. Jerusalema ndi dolopo lya mbungano lya kaindi maningi lizizilwe mu inyika. Melikesedeki wa kazwa ku dolopo eelyo; Mwaami wa Salemu, Mwaami wa luumuno, Mwaami wa Jerusalema. Mbo mbubo, dolopo lyakaindi maningi mu inyika. Elyo oyo wakali mweezi, mbuli kooko mulao nko waka sitikizigwa, nkabela mpaawa kwa boola iyuwe eeli lya mudima wa Bamasi atala aa ndilyo. Wa kati, “I—i mbungano iyo olyatawida ansi malambo aa Jerusalema mane bubanze bwa Bamasi bu kaime.” Elyo ngooyu mbwabede. Tu pona moonya

muli ncico. Ula jokela ncobeni, mbuli masimpe zina lyangu mbolili William Branham. Iiyi, munene, tula konzya ku cibona. Uli vumbilidwe, waka vunikilwa, kaambwa kumbele; kwiita kugwisya Basale. Bala gugulika moonya mu mudima, bamwi babo, mbuli mbo beenda kumbele. Yaa.

¹⁴⁸ Lino twa bona Ijwi Lyakwe kali simpikizigwa. Tula syoma. Aboobo kuti na Wa simpikizya Ijwi lya buzuba obuno, mbo Li bede, ncinzi Nceti libilike kujatikizya mwaka nco uyo leta? Ncinzi Nceti libilike kujatikizya mwaka utobel? Ncinzi Nceti libilike naa Nda pona sunu na kufwa sunu? Ijwi lyoonse Ndya aka syomezya liyo simpikizigwa, limwi alimwi! Ikuti na Ula konzya kucicita sunu, kumane ku cisyomezya zyuulu zyobilio zya myaka zyakainda; ikuti na zyuulu zili mwaanda zya myaka, sunu, Jesu uyo bweeda ku nyika mu mubili uulibonya, ku Mbungano, ii–ii Wakanununwa, Nabwiinga, nkabela ku Mu gusya kuzwa waano. Takukwe makani eco ciboola, cuunka, busyaasunu zyampuwo, kwaamba “ko zumanana,” a bantu bala konzya kuvomwaila mu mudima uumaninide a kusyoma cintu cili coonse nco bayanda kusyoma, pele Jesu Kristo uyo bweeda alubo. Ndila syoma kuti ziciza zili kuli Nguwe, mpawo. “Mwami Leza, Ta ndizi eco juunza nco bujisi, pele Ndi lizi Ujisi bwa juunza.”

¹⁴⁹ Ijwi Lyakwe lili buyo mbuli lwiimbo lupati lwa bugwaligwali. Mbangaye banu abo bakasola kumvwa lwiimbo lwa bugwaligwali? Ee, uuli oonse wakamvwa. Lino amuyeeye, lwiimbo lwa bugwaligwali mpaalya cindi nyimbo ya noolizigwa mu dilama. Nda syoma Ndi jisi eco kabotu, lwiimbo lwa bugwaligwali. “Petro a Umpe,” mula yeeya ako, kaano ka kainidi obo mbo bakali ku... Nda ka cimvwa ako, obo mbo bakali kutola ngoma a kubamba i–i kasimugoma mpako kagomagoma, elyo Petro kazwa aanze, umpe kavutavuta, a kusibasiba kwa nyeele; lwiimbo lwa bugwaligwali.

¹⁵⁰ Lino, ikuti na tomvwisyi lwiimbo lwa bugwaligwali, ncikama cipati ca coongo maningi cibbi kuli nduwe, ikuti na to cimvisyi. We elede kumvwisyia mbo cibede. Koonse kula citwa a zitondezyo a kunyanyamukwa kwa mu mubili, pele cila citaula dilama mu lwiimbo olu lwa bugwaligwali. Lino, tula bona, oyo omwe buyo uumvwisyia lwiimbo lwa bugwaligwali ngu sikwaanza wanyimbo abaabo bajisi kuyandisa kwiiziba, balizi kucinca kwa njiyo, balizi citola busena.

¹⁵¹ I sikwaanza ulizi bumpiyompiyo boonse, kuzwa ku mamanino kusika kumatalikilo, kuzwa kumatalikilo kusika ku mamanino. Sena mwakalizi obo? Oyo waka ilemba, ula anza boobu nyimbo, ulizi maswaanino masyoonto oonse. Ikuti na ulizi maswaanino oonse, a walo sikulailila mbelede kucita, kulailila kuli njiyo. Lino mbobuti mboyo nyonausya kayanza kako kabuzumini muli njiyo? Kutalailila kabotu komwe kuniini kwa kasamu ako, citondezyo eco, citondezyo comwe ciniini

cilubide ku maswaanino, inga casowa baimbi boonse balizya zilimba, kusowa lwiimbo loonse lwa bugwaliwali. Lino mu lizi kuti eco ncabwini. Sikwaanza wanyimbo a sikulailila beeledge kuba mu muuya omwe.

¹⁵² Ako nke kaambo mukutausi a Ijwi lya Leza, Lwiimbo lupati lwa bugwaliwali ilwa Leza Uli mukululizya kuzwa ku ciindi cabucedo; mukutausi, ku Ijwi, talanga langa awa a kwaamba, “Nda syoma *eyi* yeelede kuba; weelede ku Li bamba nzila *eyi*.” We elede kweenda mu nzila ya Ciimbo cilembedwe nko caamba kutozya. Eyo nje nzila Makanimabotu mbwa elede ku kambaukwa, inzila Ijwi mbo lya amba amu Li bweze. Nywebo mulizi, ikuti na mwa ka sowelamo kayanza kabuzumini Omuya, waba a cintu coonse canyonganisigwa. Ceelede kuunka kubamba dilama kululama ncobeni.

¹⁵³ I sikulailila weelede kucita obo sikwaanza wanyimbo mbwaamba, kuuma mbubonya buyo bweelede, ciimbo. Lino amulangilile, koonse kula citwa ku zitondezyo, alimwi ceelede kuba musyobo weelede wa zitondezyo, kupa musyobo wa bulile ululeme.

¹⁵⁴ Paulo wakati, “Ikuti na mweembo wapa kulila kutamvugwi kabetu, nguni uyo libambilila nkondo?”

¹⁵⁵ Lino nywebo mwabona Sikwaanza wanyimbo, Leza, Oyo wa kalemba Bbaibbele, nciybunuzyo cimaninide ca Jesu Kristo. Wa kalizi kucinca kwa ciindi. Elyo muntu, i—i sikulailila oyo wanyimbo uuli mukubalailila, citondezyo ca bukkalo, we elede kuunka keendelene buyo a zitondezyo zya Bbaibbele. Aleluya! Ma, ma, ma, ma!

¹⁵⁶ Oh, mukwesu, mucizi, ndipenzi nzi ku inyika? Nkaambonzi Nce nyongene? Kuli cintucimwi cilubide kubusena bumwi. I lwiimbo lwa bugwaliwali taluli mu lumvwano a malailile azya Kulizya! Bali mukubamba kayanza kabuzumini ka mbungano a zintuzyonse zimbi, kakuli ndi Ijwi lyeelede ku kambaukwa, kuti liyubululwe. Cintucimwi ciliubide a basikulailila, mpawo nkamu yoonse yabaimbi ya nyongana, nkabela tabazi aca kucita. Boonse bala sesya, “Ncinzi caka citika? Nkaambonzi *eci* nco cinga cacita? Ncinzi, *eci* cacitika? *Eci*, mbobuti eco mbo cakacitika?” Ta bazi cakucita lino. Kumwaikana, nkambo tii cakaboola mu lumvwano a Ijwi. Eelyo ndepenzi a lwesu, olo ndo twiita kuti, lubukulusyo lwa buzuba bwamamanino. Eelyo ndepenzi a mulumbe wesu wa Pentekoste. Twa zwa mu bulile bwa Bbaibbele, kainka a kupanga kabunga mbuli mbo bakacita kaindi okuya. Waa kazwa mu bulile.

¹⁵⁷ Leza, koba aluse. Nda lombozya ne Nda jisi mabala kutegwa Ndi konzye ku Ci bamba kumvugwa kusakene, mbuli mbo cakabede, ikuti inga Nda cisabalanganya a kujula a ku Ci tilila mukati.

¹⁵⁸ Sa tokonzyi kubona, mukwesu, mucizi, ye elede kuba mu lumvwano? I sikulailila we elede kuba antoomwe a Ijwi. Cindi Ly aamba cintucimwi, utaambi cintucimwi cimbi; ciyo opa citondezyo cilubide, mpawo cintu coonse cila sweeka kuzwa ku bulile. Mbo mbubo. Ijwi lya Leza ndo lweetelelo lupati, lwiimbo lwa bugwaligwali, mubwini. Mundi jatile. Mweelede kutalika mbuli Mbwa aka cita, mu Ciimbo. Mweelede kutalika a Nguwe. Amubone, amunjile mu bulile bwa Ndulo.

¹⁵⁹ Kwaamba, “Ee, Nda kasangana mbungano.” Obo tabuli mbo bulile. “Nda kacita boobu.” Obo tabuli bulile. “Nda kainka kutala ku cipaililo nkabela Nda—Nda kat, ‘Nda syoma Jesu Kristo kuti Mwana wa Leza.’” Saatani ula cita cintu nciconya. Obo tabuli bulile. Wabona, yebo wazwa mu bweende. Ncinzi ca kacitika? Ambweni umwi sikulailila ngu waka kwaambila, “Kosukana maanza a kubikka zina lyako mu bbuku; kusangana kilabbu yesu, kabunga kesu.” Uli zwide koonse mu bweende!

¹⁶⁰ Mpawo cintu cini cindi catalika kucitika awa akati ka kakamu aka, yebo uyooti, “Ee, ino kujatikizya Ceeco, bali zwide mu lumvwano.” Ko jokela ku Ijwi a kubona oyo uuzzwide mu lumvwano. Bona eco Leza nca akasyomezya. Bona eco Sikwaanza wanyimbo nca kaamba kujatikizya Ndilyo.

¹⁶¹ Mwabona, ujisi bantu boonse mu bbunga lyako. Ako nke kaambo nyika nco ilanga koonse. Kakuli mbungano yeelede kulangwa mbuli nyenyeze, ibalamu akumweka, Mumuni uukkede aa cilundu, cakuti taakwe muntu omwe ukonzya kuuzima, taakwe muntu ukonzya Kupa mulandu.

¹⁶² Elyo, sunu, ncisesyo ca inyika, nkaambo kakuti basikulailila ba kacigusya mu lumvwano antoomwe a Sikwaanza wanyimbo. Mwabona Nce pandulula? Bali mu kulizya zintu ezyo zitamo Omuya. I baimbi tabazi eco nco beeledge kucita lino; mbungano, zyoonse zili mu lunyongano. Twa kali kwaambaula kujatikizya zintu ezi zyoonse, myaka yoonse, a kucipa mulandu, nkabela lino kubeleka antoomwe a ncico. Oh, ncintucimwi cilubide ku busenabumwi.

¹⁶³ Amubone, mweelede kutalikila mu Ciimbo mbuli Mbwa akacita, a kunjila mu bulile bwa Njiyo, ku njila mu Ijwi lya kasyomezegwa. Mubone nzila Mbwa aka cicita ku mataliki, kubona nzila Mbwa akacita mu nzyalani yaakati, kubona nzila Mbwa cicita lino, lyoonse mbubonya.

¹⁶⁴ Amulangilile sikulailila, mbwa cicita. Ikuti na ta ciciti, ikuti na uku tondekela ku kabunga kamwi; Taakwe sikulailila wa kacicitide ceeco. Ii sikulailila lyoonse uyo oku tondekela ku Ijwi. I basinsimi bakale, ba katondeka ku Ijwi. Ba kali Ijwi. Ba kapona Ijwi. Elyo ino ca kacita nzi? Lya kayubulula Leza. Eco caka leta Ijwi lya kalembedwe lya buzuba obo ku buumi, nkaambo Lya kaboola kuli mbabo. Lya kayubununwa kuli mbabo. Oyo wakali Mwaala wabo. Aleluya!

¹⁶⁵ Jesu Kristo, Ijwi ly a Leza, ngo Mwaala wesu. "Atala a Mwaala oyu Mpe zoyakila Mbungano Yangu," Ijwi ly a Leza lyaka yubununwa. Shalomu, ku musyomi wini. Luumuno! Tuli ku ciindi camamanino. "Aa Mwaala oyu Mpe zoyakila Mbungano Yangu," ciyubunuzyo ca Ijwi.

¹⁶⁶ Umwi wa kati, "Ee, Uli muntu mulemu. Uli mbuli Musa. Uli muntu mulemu. Uli mbuli . . ." Tabuli boobo.

Pele ciyubunuzyo cakati, "Uli Mwana wa Leza."

¹⁶⁷ Kati, "Muntu uulya maila ta Ci yubununa kuli nduwe, pele Taata Wangu uuli ku Julu. Atala aa Bwini obu bwayubununwa, Mpe nzoyakila Mbungano Yangu."

¹⁶⁸ Ino ncinzi? Walo ndi Ijwi. "Ku matalikilo kwakali Ijwi, a Ijwi lyakali a Leza, nkabela Ijwi wakali Leza," alimwi Ijwi licili Leza. Walo buyo, ngu mbobuca asunu, kalyubulula Mwimi mbuli Mbwa akabede; Musa a Eliya, muciindi cakatobela, a Jesu, a Leza nguwenya sunu, ku Mu bamba "Jesu Kristo mbobuca nguwenya, sunu, amuya myaaka," Bahebrayo 13:8. Mwabona, tii baka mutondekela ku nkamu. Ba kamu tondekela ku Muntu, mutondekela ku Ijwi, Leza.

"Mpaali Mpe titalikile, Mukwesu Branham?"

¹⁶⁹ Aa Ciingano, kotalikila aa Ciingano a Nguwe. "Koempwa, ko syoma Ijwi," obo mbo lyakaamba Bbaibbele. Mpawo tobela moonse mu bulile boonse bwa Ijwi.

Yebo watu, "Ee, ino Ndi cite nzi?"

¹⁷⁰ Ko zumanana buyo kutobeleyza bulile bwa Ijwi. Ikuti na "kweempwa" ncintu citaanzi, mu kuziba, kocita obo, eyo nje ntaamo yako yakusaanguna. Kobikka ntaamo yako itobelaa wao Ijwi mpo lyaamba. Kuyabuya, kuyabuya a kuyabuya, a kumacching'a a Nguwe.

¹⁷¹ Uta nyonganyi bulile ikuti na uli cibeela ca lwiimbo bwa bugwaligwali ilwa Leza. Uta nyonganyi bulile bwa Ijwi. Uta buzyi, "Ee, nkaambonzi? Nkaambonzi *eci* cakacitika? Nda kacisoleka, Mukwesu Branham, alimwi, cindi nibaka nditanda, yebo ulizi nce Nda kacita na? Nda kalaafwi kufwa nkaambo ka nzala." Ta buzyi kuti nkaambonzi. Walo ulizi bulile, obo mbo bweelede kucinca, a maswaanino ngo yeelede kubamba, iifyi, munene, nkambo Lili lembedwe. Ulizi kujatikizya Ndulo loonse. Ulizi bulile. Uta buzyi kuti nkaambonzi. Ko Li syoma!

¹⁷² Leza wa kaseluka kwiinda mu ciindi ca makani aakale, a Ijwi Lyakwe lyaka syomezegwa, mu bukkalo abumwi, alimwi tana kakilidwe (kumwaya) bulile, kwiinda mu Nguzu zya Leza, cindi ni Lyakwe mu bantu basale a bakasimpikizigwa. I bulile bwa Ijwi Lyakwe mu mazuba akwa Nowa, bulile bwa Ijwi Lyakwe mu mazuba akwa Eliya, mu mazuba akwa Johane, mu mazuba akwa Davida, mu mazuba akwa Jesu, amuciindi cakatobela, Ula bamba bulile

bwa Ijwi, mbubonya muciindi cakatobela, tana Li mwaide. Wa boola ncobeni kwiinda mu makani akale. Elyo Mbuto iisalidwe, eyo yaka Li bona a ku Li syoma, iwida moonya mu bulile obo a Ndilyo.

¹⁷³ Bamwi ba laamba, “Ee, pele mbungano ilaamba...” Eco tacikwe acakucita a Ndilyo. To ka zyalilwa kucita boobo.

¹⁷⁴ Waka zyalilwa mu Ijwi, nkambo wa kazyalilwa muli Kristo. Kristo ndi Ijwi, iifyi, munene, acimwi mu bukkalo bwaco.

¹⁷⁵ Yebo wati, “Ee, Ndiyo kwaambila buyo, Mukwesu Branham, Ta ndi konzyi kulangila kumbele.”

¹⁷⁶ Mpawo kolanga mujulu. Leza wa kasyomezya, ikuti na inga walanga mujulu, ko Mu bona; shalomu, luumuno, luumuno lwa Leza lube ali nduwe.

¹⁷⁷ Yebo wati, “Mpawo nkaambonzi bamwi ncoba ndifubaazya, Mukwesu Branham? Yebo ulizi, bamwi bala ndifubaazya, a kwaamba Ndi—Ndi jisi ‘masusu malamfu,’ Ndili ‘musyobo wa kaindi,’” ku banakazi. I mwaalumi, “Nkaambo Ndi syoma Bbaibbele, ‘To cijisi limbi luswaanano a ndiswe. Ta tukonzyi ku kutambula nkaambo ka cuti—cuti yebo usyoma *boobu-a-boobu*.’”

¹⁷⁸ Elyo ulizi kabotu nje nzila Ijwi mbo lilembedwe. Leza uli sinikizidwe kuli nduwe, kwiiminina Ceeco mpawo. Masimpe ula cita. Tapengani kuli ceeco, nkaambo nco ba fubaazya. Leza ngu Leza sibuzuba. Amuyeeye, ku pengela kaambo ka Ijwi Lyakwe macise akukomena mu luzyalo Lwakwe. Cindi wapenga nkambo ka Ijwi Lyakwe, macise buyo aakukomena.

¹⁷⁹ Nywebo mulizi obo kana kaniini, myaka ili kkumi, kkumi aibili yakukomena, kala jana macise. Kuboola mukati, kwaamba, “Baama, maanza angu acisa a maulu angu alacisa,” azimwi zimbi. Macise aakukomena. Citondezya cuti ujisi mavitameni mabotu. Ulimu kukomena.

¹⁸⁰ Elyo cindi muntuumwi atalika ku kufubaazya, kwaamba, “Ngwa zya ziyanza zyakaindi. Amu mulange, uli... Oh, Ndiyo kwaambila, wa kali kunga...” Yaa, koyeeya buyo, macise aakukomena. Oko nko kupenzegwa kubotu kuli nduwe. Macise aakukomena.

¹⁸¹ Oh, iifyi, Ula zumizya zilwana a manjilanino a maswaanino. Ula cita eco lyoonse, kutegwa atu londole ku mulimo Wakwe. Ula zumizya zintu ezyo ku citika. Sa tamu konzyi ku cimvwisya eco? [Mbunga yaamba, “Ameni.”—Mul.] Ula cita obo kutegwa A konzye kumu londola ku Iwiito Ndwa aka kwiitila. Ayo macise anu aakukomena. Wa kacitila Daniele nzila eyo, nywebo mulizi.

¹⁸² Wa kacitila bana ba Hebrayo, mu bbila lya mulilo. Ncinzi ncolya kacita bbila lya mulilo? I bbila lya mulilo lyaka konzya buyo kukosola zyaanzyo zya kabaangide. Nku koonse bbila nko lya kacita, kuumpa buyo kwaangununa zyaanzyo.

¹⁸³ Ziindizimwi citola masukusyo kudunsula zyaanzyo zya inyika kuzwa kuli ndiswe, ku mugwisya kuzwa ku inyika. Inga kwaba, ceelede ku kugusya kuzwa ku kayanza kako kabuzumini, lutaanzi. Mbuli muntu kanyikila mu mulonga, we elede ku mugwisya kuzwa ku mulonga kotana gwisya meenda ku muntu. Eyo nje nzila Leza nja elede kucita cimwiciindi. Kubalekela ku kutandila anze, cimwi ciindi, mpa wo ulagwisya nyika kuzwa kuli nduwe. A elede ku—elede ku kugwisya ku nyika, lutaanzi. Ziindizimwi aya macise aya aakomena nga cita ceeco. Oh, iifyi.

¹⁸⁴ Leza ula imina aa Ijwi lya kasyomezegwa ku mwaka aumwi mupya. Ula ima ali Ndilyo, mwaka oyu, ku kuzulizya ceeco Nca kasyomezya ku mwaka oyu. Kufumbwa mbocibede, Ndi yanda kuyooba mpoonya aakati ka mbaakan ya luyando Lwakwe ku ciindi ciciza, mbuli mbo bakacita.

¹⁸⁵ Mbuli Abrahamu, cindi na akaswaana manjilanino, ta akazi nzila mbwa kali nocicita. Leza waka mwaambila, “Ndiyo kupa mwana.” Myaka ili makumi obile ayosanwe waka mulindila. Kumalekelo mwana wakaboola, mpa wo Leza wakati, “Lino, kwiinda ku mwana oyu, Njo ku bamba kuba wisi wa masi manji. Ko mutola okuya a kuyo mujaya. Ko mutola okuya a kuyo mujaya,” kunyonyoona cintu nciconya eco ncakali kulindila kwa myaka ili makumi obile ayosanwe. “Ko mutola okuya a kuyo mujaya.”

¹⁸⁶ Abrahamu taakwe naaka pangaana. Tii cakamu kataazya. Wa kabwezelela nkuni a ku zibikka aka mbongolo kaniini, a kubweza mwana wakwe. Ka mutola atala lya cilundu, kuyo mutuula, nkaambo Abrahamu wa kalizi kuti waka mu tambula mbuli umwi wa kazwa ku bafu; zyalilo lya Sara lya kalifwide, waa kali musundi, aboobo kwakanyina nzila. Elyo mulombe... Wa kali a myaka ili mwaanda yakukomena, alimwi walo wakali myaka ili makumi ali fuka, aboobo wa kaboola kwiinda ku Ijwi lyaka syomezegwa. I Leza nguwenya waka panga cisyomezyo, wakati, “Njo kubamba wisi wa masi,” kumane myaka ili makumi obile ayosanwe, nkabela mukuba a myaka ili mwaanda yakukomena, walo a mukaintu wakwe baka tambula muvwanda. Ikuti na Leza waka mwaambila ku mutuula, Leza wakali kukonzya ku mibusya. Ameni.

¹⁸⁷ Alumbaizigwe Leza, bakwesu. Nda limvwa kabotu. Nda limvwa bukombi. Obo Mbwe limvwa kabotu! Ndi lizi cintu eci comwe, Ula konzya ku mibusya alimwi. Tuyo ima aa Ijwi lisalala lya Mumuni wa oora eli! Leza uyo tubusya cindi nzyalani eyi yaku yutuka, mbuli Mimuni imweka ku nzyalani eyi. Ameni.

¹⁸⁸ Ta cigambyi Wa kati, “I namalelo waku Musanza uyo buka mu Lubeta, a nzyalani yakwe, a kupa mulandu kuli eyi; nkaambo waa kazwa ku zisi zya nyika, kuyo swililila busongo bwa Solomoni, elyo, amubone, mupati maningi kwiinda Solomoni mpali ano.” Obo namalelo muniini, kuzwa kumusanza kulaale,

muhedeni, wakabona Mumuni oyo, a kuboola kwa mamaile kwiinda mu nkanda, myeezi yotatwe aa musana wa nkamela, kuyo swiilila busongo bwa Solomon, a balo kabaimvwi nkoonya okuya, a Solomon mukuba cikozyanyo, ceelekelo Cakwe.

¹⁸⁹ Elyo mpawo kuboola a kubona Wesley, Luther, boonse bamwi, tubungwe kaindi okuya, mukuba ceelekelo a cikozyanyo ca ceeco cicitika lino, elyo ba leenda kwiinda moonya muli Neico. Oh! Yaa.

¹⁹⁰ Nkambo, aboobo mwaka mupya ukanzilwa a Leza, kukanza buyo ku kkala mu Ijwi Lyakwe. Kweenda awo Ijwi mpo lyaamba kuti enda, mbuli mbo tuboola lino ku kujala, mbuli bamwi, Mbuto yakasalwa yakacita mu buzuba bwabo cindi ne ba kabona Ijwi. Ncini ncoba kalicita? Ba keenda muli Ndilyo, ikuti na bakali Mbuto yakasalwa mu makkalo ambi, nkambo Walo ndi Ijwi litakakilwi. Mbangaye basyoma kuti Jesu Kristo ndi Ijwi? [Mbunga yaamba, “Ameni.”—Mul.] Oh, ma!

¹⁹¹ Nda kamvwa bubambe buzuba bumwi, bwa kabungwe kamwi ka bantu, Ba. H. M. S. Richards kati baka “kalemba bbuku lya mwaka.” Ta ndiyandi kwiimpana a muntu uli boobo. Nekubabooobo, mukuba muna Seventh-day Adventisti, Ta ndi zuminani a njiiyoso ya Seventh-day Adventisti, pele ncobeni Ndila muyanda mwaalumi. Pele Nse ka zuminani a nguwe. Elyo inga lyaba bbuku lya mwaka mupya lya H. M. S. Richards.

¹⁹² Pele Bbuku lyangu a Bbuku lyanu, lya mwaka mupya, ndi Bbuku lya mwaka wakaindi, Bbaibbele, Ijwi lya Leza. Ku Li bamba buyo kupona kuli nco Ly a kasyomezya kuponena. Iiyi, munene. Elyo mwaka amwaka uboola, alimwi mwaka amwaka ya kali ko, Ngu Leza Utamani kapona mu Ijwi Litamani elyo Ndyia kaamba, cindi Bwini boonse bwa Bbaibbele a zisyomezyo zyoonse zili muli Ndilyo zya simpikizigwa, mbuli mbu zya kabede kwiinda mu myaka.

¹⁹³ Obo Leza mbwa kasyomezya kuti Uyo nyonyoona inyika ku maanzi, nkabela Wa ka cisimpikizya kwiinda kuli Musa...na kwiinda kuli Nowa.

¹⁹⁴ Wa kasyomezya kuti Uyo tuma munununi, a kuleta ba Israyeli kutala kuzwa mu Egepita; ba keendenda kwa myaanda yone ya myaka. Wa kacita ceeco mbubonya.

¹⁹⁵ Elyo Wa kakonkezya kuti Uyo busya Davida, anzila Davida mbwa yooba ii—ii mwana; Kristo inga uyooba mwana wakwe, kwiinda muli Davida inga kuyo boola Kristo. Obo Mbwa aka konkezya kuti inga Uyo cita ceeco; Wa kacita buyo eco.

¹⁹⁶ Wa ka syomezya kuti inga Uyo tuma Johane Mubapatizi, kakutanaba kuboola kwa Jesu Kristo. Wa kacita ceeco buyo.

Wa kasyomezya kuti Uyo tuma Mesiya. Wa kacita ceeco buyo.

¹⁹⁷ Wa ka syomezya kuti nyika iyo njila mu nkamu mpati ya tubunga a kupanga ciyanza, nguzu, zitegwa cinyama, nkabela ciyooba atala alya ka cikkede a zilundu zili ciloba. Ca kacita eco mbubonya buyo.

¹⁹⁸ Obo mbungano mboiyo bapenzya, ca lufu! Ba kacita ceeco mbubonya.

¹⁹⁹ Obo mbo baka linoyo yutuka mu lubambululo! Ba kacita ceeco mbubonya buyo. Obo Mbwa aka syomezya mu nzyalani aimwi mbo kuyooba!

²⁰⁰ Elyo Waka syomezya ku bukkalo obu. Elyo ngooyu Mpali, sunu, kabamba Ijwi eelyo kupona, mbubonya buyo Mbwa akacita ku matalikilo. Nincobeni.

²⁰¹ Elyo cindi cisyomezyo acimwi nica zulizigwa, “lufu lula menwa mu luzundo,” Jesu uyo boola; nkabela umwi wamamanino asimpikizigwa, mpawo kuya kusika luumuno Lutamani atala a nyika, shalomu Iitamani. Ii shalomu Iitamani, luumuno, luyo kkala atala a nyika.

²⁰² Cindi Jesu naakasika, Mweendelezi wa Luumuno, nkaambonzi nco kwatakalikwe luumuno? Nkaambo Ijwi lyoonse tii lyakalina zulizigwa mu buzuba Bwakwe. Uli muku Li zulizya sunu. Pele cindi koonse kwa Ijwi Lyakwe lya kasyomezegwa, eelyo lyakali muyeeyo wa Leza...

²⁰³ Ii *Ijwi* “muyeeyo watondezegwa.” Leza, mu kuyeeya Kwakwe, wa ka Li yeeya, a ku Li tondezya kwiinda ku basinsimi Bakwe, nkabela lino Lye elede kuzulizigwa. Elyo, cindi, Wa ka twaambilide kale zintu ezi zyaka cili kuza aboobo kutegwa tuta kalubizyi a kugugulika mu mudima mpawo, cindi twa cibona ka cizulizigwa.

²⁰⁴ Lino, Wa kasyomezya kutuma Kristo ciindi cabili. Elyo kufumbwa ciindi Acita, cindi Kristo aboola ciindi cabili, kuya kuba shalomu Iitamani.

²⁰⁵ Amuswiilile, beenzuma, mbuli mbo tu jala. Amuyeeye, Bbaibblee nkasensa ka busongo boonse. Ta buzwi ku Mwiyi, Ph.D., LL.D. Bu zwa ku Ijwi lya Leza.

²⁰⁶ Kwa kali Bamaiyi balwiyo Lwabukombi kabakkede okuya, ku myaanda, nkabela Mulombe muniini wa myaka ili kkumi ayobile yakukomena ka baitila kunselelo okuya, nkaambo Wa kali Ijwi. I Mulombe muniini wata kajisi lwiyo pe, nekubaboobo Wa kali Ijwi. Nkaambo Wa kali Mumuni wa kaambwa wa buzuba obo, Wa kali yubululwa kwa Ijwi eelyo. I Ijwi lya kali muli Nguwe. Lya keelede kuba. Ta cigambyi eco Nca akaamba caka boola kicitika, nkaambo Wa kali Ijwi. Nywebo mwamvwisyna? Boonse bamvwisya, amwaambe, “Ameni.” [Mbunga yaamba, “Ameni.”—Mul.] Wa kali Ijwi.

²⁰⁷ Amuyeeye Bbaibbele, kutali bbuku limwi lya mwaka eelyo lya kalembwa aa muntu. “Akube kuti jwi lya muntu lyoonse libe lya bubeji, pele Lyangu libe Bwini.”

²⁰⁸ Elyo tukamu twabuzumini bwanguzuuzu a bukombi, a—a zimwi zimbi, toonse buyo tusangana buyo mu cintu comwe ku cindi mwa njizya nkamu ya bantu muli Ndilyo. Leza taakwe naakasola kubeleka a nkamu ili boobu. Ikuti na Jesu wasika sunu, sena inga We endelana aba Methodisti, aba Baptisti, aba Adventisti, Bakamboni ba Jehova, Krisiani Sayansi, ba Pentekoste, ba Presbyteria? Peepe, munene. Inga ta konzyi ncobeni.

²⁰⁹ Makani aa mugame, yebo a Leza. Taakwe bantu bobile ba bona liso bweelene, antoomwe bukozyenyen; takwe zyaala zyobile zikozyanya. Leza ubeleka aa mugame. Alimwi mbobuti mbo ziba naa uli luleme na pe? Mpawo amu cebuke a kubona na uli antoomwe a Ijwi. Ikuti na uli antoomwe a Ijwi, nkokuti Leza ula beleka a nguwe; kuti na taciti, cintucimwi cimbi cibeleka a nguwe. Mwabona? Mbo mbubo.

²¹⁰ Amuyeeye, Bbaibbele nkasensa ka busongo boonse, alimwi lijisi bulangizi boonse buciza muli Ndilyo. Shalomu, luumuno lwa Leza!

²¹¹ Mboli kaano ka kaambwa ciindi cimwi, kujatikizya mulombe muniini wakafwidwa wisi katana komena bweelede kubona wisi; wakali muvwanda buyo cindi wisi na kafwa. Buzuba bumwi wakasika ku myaka yakali kutandila kkumi, kkumi ayobile yakukomena. Wa ka jisi munyina umbi, wakali kutegwa John. Wa kainka ku munyina, nkabela wakati “Uh, John,” oyo wakali mupati maningi uukubwene, kati, “sena ula, sena ula muyeeya taata?”

Kati, “Inzya.”

Kati, “Wakali kuboneka buti?”

²¹² Kati, “Ee, wa kali muntu mulamfu, alimwi wa kali muntu mulome kapati. Wa kali mulome lyoonse kuli baama, alimwi wakali sibuuya kuli—kuli ndime, alimwi wa kali sibuuya ku bantu boonse.”

Wa kati, “Ee, sena nko koonse nkozi kujatikizya nguwe, John?”

²¹³ Wa kati, “Ee, Nda kwaambila.” Kati, “Henry,” kati, “bantu boonse baamba kuti Ndi—Ndi boneka mboli nguwe.” Elyo kati, “Bantu boonse baamba kuti Ndi jisi bupange mboli nguwe.”

²¹⁴ Wa kati, “Oh, eco ncibotu! Nce ncico nce Ndi yanda kuziba.” Kati, “Cindi Nda kubona, Ndi bona taata.”

²¹⁵ Nceeco we. Cindi i—i inyika ya bona Jesu Kristo, ciyo oba muli ndinywe, cindi eli Ijwi lya kalembelwa buzuba obuno.

²¹⁶ Mpaali mpo mubonena Jesu muli Davida? Cindi Ijwi nelya kayubununwa kwiinda muli nguwe.

²¹⁷ Mbobuti mbo mubona Kristo, Leza muli Eliya, mu nkalaki eyo kaiya ku Julu, kubona Jesu muli Eliya? Nkaambo, Ijwi lya simpikizigwa.

²¹⁸ Mbobuti mbo mu Li bona muli Musa? Jesu wa kali muli Musa. I Bbaibbele lya kaamba booboo. Mwabona, cili luleme, Wa kali citewo ciyaka eco cakali antoomwe a Musa mu nkanda.

²¹⁹ Mbobuti bantu mbo bayo ziba Jesu Kristo? Cindi ba, walo, la Mu bona muli ndinywe, cindi ba bona Jesu muli ndinywe. Nkambo, Wa kati, “I milimo eyo Nje cita muyoo icita anywebo. Mipati maningi kwiinda yeeyi muyo cita, nkambo Nda unka kuli Taata Wangu.” Sena mbo mbubo? [Mbunga yaamba, “Ameni.”—Mul.] Nje nzila njoba, inyika mboiziba.

²²⁰ Kutali kuti nkaambo Babumwi iba Pentekoste mbanji maningi kwiinda Babubili iba Pentekoste, na Babubili mbanji kwiinda Babutatu, na kufumbwa mbo mu jisi; kutali kuti nkaambo ba Methodisti mbanji kwiinda Baptisti; na Baptisti ba Kumusanza kutola cilumbo ca mwaka oyu ca mambungano i—oonse aa Baptisti, ba Protestantni boonse. A jisi mamembala manji mwaka uno kwiinda onse ambi aa nzizyo, Nda mvwisya, kwiinda ku kubala. Eco ta cipangi lwandaano noluceya. Leza ta muzibi kwiinda ku myeelwe. I bahedeni bala mwiinda ku mweelwe, ciindi cili coonse. Bana Katolika bali mujisi nyoonse. Buna Muhammedi buli jisi boonse babo. Mwabona?

²²¹ Mula zibwa cindi Jesu Kristo apona muli ndinywe, kwiinda ku Buumi Bwakwe, aku Ijwi lyaka syomezegwa lya buzuba obu kali Li tondezya. Mwabona?

²²² Lino Ijwi ndilyonya lya katondezegwa muli Musa tii lyaka konzya kutondezegwa muli Eliya, nkaambo obuya bwa kali buzuba bumbi. Umwi nguonya waka tondezegwa muli Nowa ta kakonzya kutondezegwa muli Musa, nkaambo, mwabona, Nowa wa kayaka bwaato, Musa wa kasololela bantu, mbubonya buyo mbuli caka syomezegwa. I mumuni nguwenya waka tondezegwa muli umwi, tii wakali muli umbi, pele umwi wa kalungulula zya umwi umbi.

²²³ Coonse Cizuminano Cipyia cikanana zya oora eli. Jesu Kristo ukanaana zya oora eli. Nguni we, kai, muntu umwi? Ngu Jesu Kristo, Mwana wa Leza, kulyubulula, ka tondezya Mumuni aa Ijwi oyo Ngwa aka syomezya ku buzuba obuno.

²²⁴ Cindi muntuaku bona kopona mbuli Nguwe, cindi abona micito yako a kulilemeka kwako a Ijwi mbubonya buyo mbuli Mbwa akabede, Ijwi kali yubululwa, mpawo muntu uyo obona Jesu Kristo. Taba keeleli kulanga kumbi kuli koonse, kwaamba, “Ncinzi nco kayiisya aka kayanza kabuzumini, ncinzi nco kayiisya aka kayanza kabuzumini?” Bayo ziba obo Leza mbwa bede cindi ba kukubona.

²²⁵ Shalomu, luumuno lwa Leza lube Mumuni ali ndinywe! Elyo cindi Ijwi lya Leza lya simpikizigwa mu bukkalo obu, cakumaninina, nkabela mwa Li bona a ku Li syoma, shalomu kuli ndinywe!

²²⁶ Amulanganye mwaka mupya aceeci, amu Mu bikke mbuli Davida mbwa kaamba, "Ndiyo Mu bikka kumbele lyangu lyoonse. Nkaambo Uli ku janza lyangu lya lulyo, Nse ka zungaanisigwi." Ikuti na mwa swaangana lufu uno mwaka, ino cibamba lwandaano nzi? Leza wa kasyomezya kuti Uyo mibusya. Ikuti na ntenda ya mujaya, ino cibamba lwandaano nzi? Muli jisi Buumi Butamani, "Ndiyo mibusya ku mazuba aakumamanino." Ameni. Ino kuti cimwi cacitika? Tacikwe makani mbo cibede, taakwe cikonzya ku twa andaanya kuzwa ku luyandisyo lwa Leza, olo luli muli Kristo. "Nzala, ntenda mbyaabi, mantanda, tacikwe makani mbo cibede, taakwe cikonzya ku twa andaanya kuzwa ku luyandisyo lwa Leza, olo luli muli Kristo." Alimwi Walo ndi Ijwi. Shalomu!

²²⁷ Atu kotamike mitwe yesu. Lino nyoonse amucite mitwe kiiikoteme kwa kaindi buyo kasyoonto. Luumuno lwa Leza!

²²⁸ "Usiyambi..." [Kabeela katakweccintu aa teepu—Mul.] "Mbuli mbo kwa kabede mu mazuba akwa Nowa, oko nko bakali kulya, kunywa, kukwatana, ku kwatisigwa," Reno, Nevada, a inyika yoonse ya mumuni uusubila, "mbubonya mbo ciya kuba ku kuboola kwa Mwana wa muntu."

²²⁹ "Mbuli mbo kwa kabede ku Sodoma," oko Leza nkwa kayubululwa mu Buntunsi oyo Abrahamu ngwa akaita kuti Elohimu, Oyo ulijisilidi zyoonse; wakaima okuya, kalya nyama, kanywa mukupa, a cinkwa; a ku konzya kwaamba ceeco Sara ncaakali kuyeeya kusule lyakwe, kusule Lyakwe, mu tente. Wa kati, "Ci yoojokela alubo ku kuboola kwa Mwana amuntu." "Kaindi kaniini, elyo nyika taika Ndi boni limbi; nekuba nywebo munoo Ndi bona, nkambo Ndi yooba andinywe, nekuba muli ndinywe, kusika ku mamanino aa nyika."

²³⁰ Ba Juda bajokela ku cisi cabo. I zintu zya citika, ezyo zili mu buzuba obuno, inga zya ndisinkila kuzwa akatikati ku katalika ku mwaambila eco citola busena, pele tula cibona. Ino ncinzi? Ijwi lya kayubululwa.

²³¹ Muyeeya kuti ncinzi ncoba kacita bana Hebrayo ciindi neba kabona Ijwi kali yubululwa, antoomwe a cisyomezyo? Ba kalibambilila kusiya cisi.

²³² Ikuti na toli bambilide sunu, mweenzuma, kotalika oyu mwaka mupya ndyoonya, ko utalika a janza lyako mu janza lya Leza, Ijwi lya Leza mu moyo wako, koamba, "Mwami Jesu, Ta ndizi cibeela ca Lwiimbo olu lwa bugwaligwali Ndo yanda kuti ndilizye, pele cindi maswaanino ayo ndisikila kupenzegwa, kusekwa, ku fubaazigwa, Ndi cino jisi matomeno angu kuti Lwiimbo Lwako lwa bugwaligwali talu kanyonganisigwi

nkaambo ka ndime. Ndiyo kkala ncobeni a Ijwi Lyako, taakwe makani obo Mbo libede. Ndiyo kkala ncobeni awo. Elyo cindi lufu lwauma ku citendele cangu, eco nce cibeela ca Lwiimbo lwa bugwaligwali. Ndi lizi mpawo, kuti, camasimpe mbuli mbo luuma lufu ku citendele cangu, bubuke buyo uma bumwi bwa mazuba aya, alwalo, nkabela Uyo ondi busya alubo. Ncibeela ca Lwiimbo lwa bugwaligwali. Mwami, andibe cibeela sunu, Uyo cita na?”²³³

²³³ Mbangaye banga bayanda kubweza cikonke eco, a kwaamba, “Kutalikila mwaka oyu mupya, Mukwesu Branham, kutalikila ku muswaangaano oyu, ndyoonya lino, Nda syomezya Leza lino, ku bweza matomeno angu, kuta kakilwa ku kkala ncobeni a Ijwi Lyakwe lyaka syomezegwa, a kupona mbubonya buyo nzila Mbwa akali syomezya, mu lubombo a bubombe; kuti Leza inga wa bweza buumi bwangu a kububikka mu Lwiimbo Lwakwe lwa bugwaligwali, kuti nkamu eyo njionya Uyo ibusya ku mazuba aakumamanino. Ndiyo tambika janza lyangu, Mukwesu Branham, kutali kuli nduwe, pele kuli Leza. Kondi yeeya mu mupailo”? Leza amu longezye, koonse. I Mwami amu longezye. Maanza angu mujulu, aalo.

²³⁴ Mwami, kondi bweza. Mwami Leza, ta ndilekeli kucita mizeeo yangu, mbuli Judasi, atala adola lyaatala, atala abubotu bwasunu ibwa inyika, na muntuumwi waku kuumauma ku ndelo, a kwaamba, “Oh, Mukwesu Branham, eci ni . . .” Peepe, peepe. Leza, tale keli eco kucitika kuli ndime. Ndiyo sala nzila yangu antoomwe a bace basampaulwa iba Mwami. Ndi yooba mukwesu ku muntu, kucita zyoonse ezyo nze Ndi konzya, Mwami, kuyanda bantu a moyo wangu oonse. Pele, Mwami, ta ndi lekeli kuswenzuka kuzwa kuli Ijwi eli. Ndi yanda kuyo buka ku buzuba bwamamanino. Elyo abo buyo basangene mu Lwiimbo olu lupati lwa bugwaligwali, Mwami, mbuli Mbwe soleka ku pandulula masikati aya, kuti oyo umwi uyutuka kumamanino i—aa nyimbo iilembedwe, cindi bubuke bupati, a Baangelo boonse kukamba maanza abo nkabela basalali bayo macking’ a kunjila. Mbaabo abo ba kacitauka cibeela eco mu dilama eyi cipati nco tu sobana, kukomba, Mwami.

²³⁵ Tu lizi kuti mu dilama bala cinca zizwaato, balazwa ku cintu comwe kuya kuli cimbi, nkabela eco nce ncico Nca kacita. Wa kaboola kuzwa ku Muuya, Leza, Jehova Mupati, aku sama cizwaato ca buntunsi, kucinca buboneki Bwako—Bwako—Bwako; Wa ka cinca. Wa kasimpa tente Lyako. Wa kaseluka kuzwa kuli Leza, a kuba muntu, kuti Uko nzye kufwa kutegwa ununune muntu. Wa kacinca cizwaato Cako.

²³⁶ Mpawo alubo Wa cicinca, nkabela Wa Li samika cizwato mu bantu abo bayo osyoma a kucitaula kweendelana ku Ijwi eelyo Ndyo kalemba awa. Alacoolwe meso aayo a Li bona, ilacoolwe myoyo eyo i Li tambula, alacoolwe matwi ayo a Li syoma, nkambo kuyo boola bubuke cindi Lwiimbo lwa bugwaligwali

Iwamana. Leza, toonse tukabe kookuya, Uyo cita na? Leleka nkamu eyi niini.

²³⁷ Kukanana mbuli kooku, Taata, tu lizi kuti teepu eyi iinka nyika yoonse. Elyo njeeyi nkamu, niini mbotu kiikkede awa sunu, eli bbunga liboneka okuno mu Phoenix. O Leza, myaka ili kkumi ayosanwe ya kukambauka kuyumu a kubwekela, elyo, Leza, Yebo ulizi kaambo, luyandisyo! Luyandisyo nku—nku koma. Luyandisyo nku—nku tapatila. Luyandisyo lwalo ndulayo.

²³⁸ O Leza, akube kuti Ndili waale antoomwe a bantu aba mvwiki ino, nkabela akube kuti Utu laye, Mwami, ku Ijwi Lyako. Akube kuti tu bone nguzu Zyako kubusya baciswa a bapengede, meso aa boofu kujuka, Muuya Uusalala mulemu uboole caantangalala mu busena. Akube kuti mukutausi onse a mbungano yoonse kuba a kusukamina kupati. Akube muswaangano wabaiminizi ba bantu basimakwebo, Mwami, kobamba moyo wa muntu onse simakwebo, mu dolopo eli, mu kusukamina kupati kwa Leza. Ko cipa, Mwami. Ta tuzi cakucita a ncico, buyo kulomba a kucisyoma kuti ciyo citwa. Twa lituula kuli Nduwe, kwiinda muli Jesu Kristo, Mwami wesu.

Elyo lino atwi imikile ku matende esu.

²³⁹ Nse yiide ku bukanazi, kutaamba kabotu mabala angu, nkabela Ndi yanda kwaamba ceecei nkambo Nda limvwa ku sungilizigwa ku cicita. Mbangaye omuno bayo nyamuna maanza abo, bati mwamvisya nce Ndali kupandulula kwiinda ku “Lwiimbo lwa bugwaligwali ilwa Leza”? Nyamuna janza lyako. Nda lumba. Cabota. Sena mula cisayoma? [Mbunga yaamba, “Ameni.”—Mul.]

²⁴⁰ Mpawo, Ndwiimbo lwa bugwaligwali, mwabona. Muyo Lu jana kusika ku maswaanino, bantu boonse bali mu kugambwa. Ndi iyita kuti maswaanino. Ta ndizi zyanyimbo; mwiimbi omuno, baa, inga wa—inga ulandi lekelela mu nzila yangu ya kunyansya. Pele, mboibede, bala lulizya, kweelede kuba cintu cimwi cakucitaula. Luyo inka aansi maningi, kusakana, ula gambwa Mbo lubede; pele, mwabona, ikuti na wanjila mu bulile bwa Njiyo, ula Imvwisya. Eyo nje nzila ilikke njoyakusola kumvwisya Leza, nku njila mu bulile bwa Ndulo.

²⁴¹ “Ino Ncinzi? Nkacite buti? Mukwesu Branham, Ndili wa bwini buyo mbuli muna Methodisti, Baptisti, na Pentekoste.” Obo ta buli bulile.

²⁴² I bulile ngu Leza. Leza ndi Ijwi. I Ijwi ngu Leza. Bulile bwa Leza, nku, kuswililia Ijwi Lyakwe. Mpawo cindi wa swililia Ijwi, Ula lizya bulile nkoonya kuli nduwe, mpawo ulabweza busena bwako. Kufumbwa ciindi Lwa unka ansi, ansi, ansi, atala, kufumbwa Mbo lubede, ulizi maswaanino ayo.

Ziindizimwi mula amba, “Oh, kuciswa kwamoyo a masukusyo!”

²⁴³ Sena Leza ta kaamba, “Zintu zyoonse zila beleka kabotu antoomwe ku bubotu kuli baabo ba Mu yanda, kuciindi ne Ndi lizya Lwiimbo Lyangu lwa bugwalingwali”? Elyo wa jana kuti mpawo uli pengede a kuciswa, a kupenzegwa, kufu baazigwa. Amuyeeye, eco nce cibela ciinka mu nzila eyo. Ikuti na takuli booboo, mpawo Lwiimbo lwa bugwalingwali bulizwide mu bwiimbe.

²⁴⁴ I Sikwaanza wanyimbo mupati ulizi kabotu eco cili muli ndulo. Uli zyi. Wa kali kuzi, kuzwa ku matalikilo. Wa kabikka zina lyako mu Bbuku lya Buumi lya Mwanaambelele, kuzwa kumalengelo aa nyika. Sena mula syoma obo? [Mbunga yaamba, “Ameni.”—Mul.] Uli zyi eco nco mweelede kucita. Takukwe makani obo mbo ciinka ansi, a mbo cilibonya kusiya, ce elede kuba mu nzila eyo.

²⁴⁵ Pele, amuyeeye, ikuti na cainka kulaale mu zimvule zya lufu, “Ndime bubuke a Buumi; Ndiyo mubusya alimwi.” Elyo cindi Sikulailila mupati akuboola ansi a kusimpika musako oyo, mpawo, “ciindi cino manide.” Cindi ulya Angelo, wa Ciybunuzyo ca cipati 10, wabikka cituta cimwi atala a nyika a cimwi atala a lwizi, a fulicoongo atala lya mutwe Wakwe, Wa ka konka, “ciindi cino manide.” Elyo ciindi eco ca kuboola, muyo buka kuzwa akati kabafu. Kuciindi bamwi babo kaba noolede awo, muyo njila.

²⁴⁶ Amukkalilile mu Lwiimbo lupati lwa bugwalingwali. Amukkale mu Ijwi lya Leza. Takukwe makani obo mbo cili ciyumu, amukkalilile ncobeni a Ndilyo, kufumbwa oko Leza nkwa umina.

²⁴⁷ Ziindizimwi Ula citya mapenzi ku kosola zyaanzyo, ku mwaangulula. Ula cita obo. Yebo wati, “Ee, Ta ndizi nce ndinga Nda kucita.” Ula cita. Ndwaandano nzi? Yebo buyo—yebo uli mukulizya buyo kabeela. Walo ngo Nguwe oyo uku jisi mu janza Lyakwe. Ula ku lailila.

²⁴⁸ Amuyeeye, kula citwa koonse ku citondezyo. Tula bona ciindi nco tuponamo, ku citondezyo nco tuponamo, aboobo tu lizi eco Lwiimbo lwa bugwalingwali nco lucita sunu. Nciindi ca kwaandaanya, kugwisya Mumuni kuzwa ku mudima.

²⁴⁹ Atu caambe antoomwe, kutegwa muta kacilubi, nkaambo Nda limvwa kwaamba eci. [Mukwesu Branham a mbunga baamba antoomwe—Mul.]: “Nkugwisya Mumuni kuzwa ku mudima.” Atu caambe alubo. “Nkugwisya Mumuni kuzwa mu mudima.”

²⁵⁰ Eyo Ndwiimbo lupati lwa bugwalingwali ilwa Leza. Uli mukuu tondezya mu majulu. Uli mukuu tondezya aa mabbulakiboodi. Uli mukuu tondezya Alikke. Wa kuu syomezya mu Ijwi. Twa ubona kau simpikizigwa. Uli muku kwaandaanya whiiti kuzwa ku buungu. Uli muku gwisyia Mumuni kuzwa mu musinze.

²⁵¹ Sena mula Mu syoma, moyo wanu woonse? [Mbunga yaamba, “Ameni.”—Mul.] Atwiimbe nyimbo yesu mbotu, mpawo.

²⁵² Elyo Ndi yanda kwaamba jwi ku beembeli, kwa kaindi buyo kaniini. Bakwesu, Mwami amu longezye. Nda mulumba ku kumwaisya mbunga zyanu a ku zileta okuno. Kuli ndinywe no beembeli kumasena okuya, Nda mulumba cancobeni. Ndili okuno biyo . . .

²⁵³ Anda ambe, bakwesu, mbweni inga kwaba ba Methodisti, Baptisti, Presbyteria. Sena mwamvwa, Ndi kanana buyo mbubonya kuli ba Pentekoste mbuli Mbwe cita kuli ndinywe? Mbubonya buyo, mwabona. Ta kuli . . .

²⁵⁴ Ikuti na Nse zuminani a muntu, canguzu, kwalo nke cimuyanda . . . Nkaambo, ikuti na Nse zuminani a nguwe, kuta zuminana buyo, Ndili sikuupaupa; Nse elede kwiimikila ano. Pele ikuti na Nse zuminani a nguwe nkaambo ka luswaanano a luyandisylo a kumvwisylo, takukwe makani nca cita, ucili mukwesu muyandisi. Nda ima a nguwe. Iiyi, nconzyo. Obo mbo mbubo ncobeni. Ikuti na eco tacimo mu moyo wangu, mpawo Leza andi gwisye ku cikambaukilo eci, Ta ndeeleli kuba awa. Mbo mbubo. Nda caamba nkaambo ka luyandisylo, a cintucimwi eco Nce bwene ciboola. Elyo Tana ndilekela ku lubizya ali ncico, kusika boobu, nkaambo lyoonse lya kali Ijwi Lyakwe. Aboobo, Leza amu longezye.

²⁵⁵ Lino atu kotamike mitwe yesu kwa kaindi buyo kaniini, a kwiimba nyimbo eyi, mbotu yakaindi njo twiimba kanjikanji, “Nda Mu yanda, Nda Mu yanda.” Ikuti na sikulizya piyaano, na nguni, na bamwi bajisi zyakulizya, atupe bulile buniini kuli njiyo, Nda yeeyela. Iiyi, cili kabotu, atu bone na inga twa iimba mpawo ka kutakwe zyakulizya. Bantu boonse antoomwe lino, a mitwe yesu kiikoteme.

Nda Mu yanda, Nda Mu yanda
 Nkaambo Waka saanguna kundi yanda
 A kuula lufutuko lwangu
 Aa cisamu ca Kalivari.

²⁵⁶ Nda yeeya bazima mateepu lino. Mwabona, eyi teepu ilainka koonse . . .



SHALOMU TNG64-0119
(Shalom)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Nsondo sikati, Mukazimaziba 19, 1964, ku Ramada Inn mu Phoenix, Arizona, U.S.A., wakagusigwa kuzwa ku rekordi yamagnetiki teepu a kulembwa cakutagwisycintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2019 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org